

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25

deli
浙字02260122号 No.6230
得力集团有限公司



437
7513

吾六七歲從塾師受句讀見左氏尚書傳喜而竊誦之
雖訶其不急弗顧也後每見古文輒喜誦之家故多書



吾六七歲從塾師受句讀見左氏尚書傳喜而竊誦之
 雖訶其不急弗顧也後每見古文輒喜誦之家故多書
 世父道莊府君有文為廉吏以御史視江南學政皎皎
 潔嚴踰太行而北也橐中蕭然不足具芻糧顧獨載書
 卷以歸詒吾兄庶常君庶常尤好古文先太宰公命余
 從之學乃盡發其新舊書得縱觀焉為詩誦古文辭年
 二十釋褐登朝優游詞館與二三同學獨多為詩新城
 王阮亭方有高名吾詩不與之合王竒吾詩益因以自
 負然卒亦不求與之合非苟求異其才質使然也其間
 亦復稍稍為古文以自娛長洲汪鈍翁見而大異之若
 文故世父所知士吾感汪言遂肆力於古文若自有得

馬後 召見殿中余言貽上 詔求文學之士余言若
次兩人皆官翰林益礪礪切靡為學以求進於道汪未
久告歸吳中王今且為名臣而余墮然將老矣始吾於
汪王顧頗自得不欲苟雷同豈惟才質乎將以力之所
近者求至於吾道焉已耳古之為文者非以其辭期於
明道也故或即道以為文或因文以見道其致一其勞
逸殊也見今世有有道而能文如二子者與吾忻慕焉
頃理舊藁因自叙其為學之大意如此澤州陳廷敬

午亭文編總目



門人候官林佶輯錄

午亭文編總目



門人候官林佶輯錄

卷一

朝會燕饗樂章十四篇 并序

平滇雅三篇 表并序

北征大捷凱歌二十首 并序

聖武雅三篇 表并序

南巡歌十二章 并序

卷二

樂府三十七首

卷三

古體詩六十三首

卷四

古體詩六十二首

卷五

古體詩五十六首

卷六

古體詩七十八首

卷七

古體詩八十二首

卷八

今體詩一百五十九首

卷九

今體詩一百三十二首

卷十

今體詩一百八十一首

古今詩總目

今體詩一百五十九首

卷九

今體詩一百三十二首

卷十

今體詩一百二十九首

卷十一

今體詩一百四十首

卷十二

今體詩一百四首

卷十三

今體詩一百二十三首

卷十四

今體詩一百五首

卷十五

今體詩一百二十四首

卷十六

今體詩九十首

卷十七

今體詩一百五十九首

卷十八

今體詩一百十六首

卷十九

今體詩一百八十一首

卷二十

今體詩二百十七首

卷二十一

今體詩一百八十一首

卷二十

今體詩二百十七首

卷二十一

賦 禱著一

午壁亭賦

著卦賦

河圖洛書賦

伏羲先天策數解

錫土姓說

河圖中五生數解

伏羲先天卦爻解

孔穎達經傳辨

十翼說

卷二十二

禱著二

胡安國夏時冠周月辨

春秋始隱公論

書錢氏春秋論後

古今易說

皇極數說

三正說

方澤壇左右辨

春秋齊桓晉文說

春秋明天道說

春秋因事約文說

春秋為史法說

禮說原本大學解

古不修墓辨

卷二十三

禘著三

家氏鉉翁原夏正辨

卷二十四

禘著四

困學緒言

卷二十五

卷二十四

禱著四

困學緒言

卷二十五

經解一

易一

卷二十六

經解二

易二

卷二十七

經解三

易三

卷二十八



經解四

書詩禮

卷二十九

錄

講筵奏對錄

卷三十

疏一

歲終彙進講義疏

進呈刊完日講四書講義疏

歲終講義循例題明兼陳愚悃疏

慰問謝恩疏

諭祭謝恩疏

遵例自陳疏

歲終講義循例題明疏

制錢銷毀滋弊疏

中華書局影印

歲終講義循例題明兼陳愚悃疏

慰問謝恩疏

諭祭謝恩疏

遵例自陳疏

歲終講義循例題明疏

制錢銷毀滋弊疏

勸廉祛弊請勅詳議定制疏

請嚴考試親民之官以收吏治實效疏

卷三十一

疏二

請嚴督撫之責成疏

請議水旱疏

撫臣虧餉負國據實糾參疏

俯瀝懇誠祈恩回籍以安愚分疏

直陳言官建白疏

慰問謝恩疏

論祭謝恩疏

卷三十二

表論對

雲南蕩平賀

皇上表

雲南蕩平賀

太皇太后表

恭進

聖德萬壽詩表

進鑑古輯覽表

好名論上

好名論下

鄉愿論

經學家法論

秦論

漢高帝得天下之正論

漢高帝知呂氏之禍亂論

中華書局影印

五

好名論上

好名論下

鄉愿論

經學家法論

秦論

漢高帝得天下之正論

漢高帝知呂氏之禍亂論

狄仁傑舉子論

陳子昂仕武后論

褚魏優劣論

李善感諫封禪論

昊天與聖人皆有四府何如對

卷三十三

史評一

蕭何

曹參

張良

王陵

周亞夫

陸賈

鼂錯

路溫舒

董仲舒

嚴助

霍光

王吉貢禹

趙廣漢韓延壽王章

孔光

翟方進

何武

王嘉

韓嬰

張湯杜周

郭解

卷三十四

一史評二

光武

明帝章帝

西漢后妾

劉伯升

來歙

鄧禹馮異

第五倫

王梁孫咸

卓茂

魯恭

西漢后妾

劉伯升

來歙

鄧禹馮異

第五倫

王梁孫咸

卓茂

魯恭

鄭康成

范升

班固

宋均

爰延

馬融

竇武

曹擦 二則

曹丕

孫權

荀彧

管寧

漢昭烈帝 三則

卷三十五

序一

御製文集擬後序

御定全唐詩後序

癸丑武會試錄後序

辛未會試錄序

癸未會試錄序

刻朱子增損呂氏鄉約序

經義考序

合刻呂氏二編序

朱子論定文抄序

日下舊聞序

四書字畫約序

傳經堂集序

洎水齋文抄序

願學齋文集序

卷三十六

序二

贈靜明子序

送關同年序

送汪悔齋檢討使流求序

送翁寶林尚書子假遷葬序

序二

贈靜明子序

送闕同年序

送汪悔齋檢討使流求序

送翁寶林尚書子假遷葬序

送張公箸漢侍郎歸展先隴序

崑山徐相國賀序

祀學錄序

從祀錄序

祀鄉賢名宦序

朱太僕畫像序

八刺史圖序

椿萱圖序

李晉陽詩畫冊序

孫止瀾學士壽序

宋射陵先生壽序

大司寇魏環溪先生七十壽序

田司農壽序

徐健菴尚書壽序

盡臣王翁七十壽序

塗母王太淑人八十壽序

卷三十七

序三 引 疏

存誠堂集序

山行襍記詩序

合肥李相國詩序

萊蕪張先生遺詩序

張子潛詩序

石鵞山房詩序

轉蓬集序

歲寒吟序

海寧查布衣詩序

吳元朗詩集序

史蕉飲過江詩序

讀書紀數略序

畢亮四論訂歷科經義序

張氏合刻家藁序

太上感應篇集註序

筠廊二筆小引

施鴻臚對菊思親圖引

乾明寺修葺募疏

海會寺石堰募疏

畢亮四論訂歷科經義序

張氏合刻家藁序

太上感應篇集註序

筠廊二筆小引

施鴻臚對菊思親圖引

乾明寺修葺募疏

海會寺石堰募疏

卷三十八

記

體仁書院記

也紅亭記

老姥掌游記

涉岵樓記

百鶴阡記

陽城白巷里免城役記

存誠堂記

三晉會館記

賜游西苑記

鶴湖坑記

射虎記

郭先生遺事記

記女奴景事

卷三十九

書

與畢亮四書

與劉提學書

與守令學官紳士書

與里中鄉紳書

答徐宮贊書

與汪鈍翁書

答立齋總憲論明史書

又答立齋總憲書

答友人書

與徐少宗伯論一統志書

與汪鈍翁書

答魏無偽書

與王薛澂書

與韓侂園書

與楊都諫書

卷四十

頌
歲
銘
贊

與王薛澂書

與韓供隱書

與楊都諫書

卷四十

頌 箴 銘 贊

幸闕里頌 有序

聖文神武頌

言箴

動箴

虛舟亭銘

信芳齋銘

尊聞堂銘

慈泉銘 并序

米海岳硯銘 并序

義冢碑銘

宛平王公像贊

六公贊 并序

任君八十像贊

卷四十一

傳一

太子太保兵部尚書總督江南江西謚清端于公
傳

卷四十二

傳二

封中憲大夫希聲吳公傳

張太公傳

旭白韓公傳

廖氏傳

張太恭人傳

三烈婦傳

卷四十三

百軒表

百鶴軒表

卷四十四

卷四十三

百鶴阡表

百鶴阡表

卷四十四

墓誌銘一

資政大夫刑部尚書致仕謚敏果魏公墓誌銘

翰林院編修汪鈍翁墓誌銘

汾州府推官竇公雲明墓誌銘

戶部浙江司郎中蘇山衛君墓誌銘

監察御史稼書陸君墓誌銘

卷四十五

墓誌銘二

翰林院侍讀吳默巖墓誌銘

封弘文院侍讀孫公暨配顏恭人墓誌銘

河南道監察御史孫君墓誌銘

中憲大夫江西按察使塗公墓誌銘

西園先生墓誌銘
麟昭張公墓誌銘

永從令張君行谷墓誌銘

王君乾六暨配陳孺人墓誌銘

韓君侏園墓誌銘

卷四十六

墓誌銘三

刑部山西司郎中約齋李君墓誌銘

謝府君墓誌銘

封戶部河南司郎中在只王公墓誌銘

贈詹事府少詹事田公暨配梁太恭人墓誌銘

刑部山西司郎中約齋李君墓誌銘

謝府君墓誌銘

封戶部河南司郎中在只王公墓誌銘

贈詹事府少詹事田公暨配梁太恭人墓誌銘

提督陝西學政按察司僉事洪君墓誌銘

贈工部虞衡司員外衛公暨配賈太宜人墓誌銘

兵部督捕主事龐君墓誌銘

巡撫浙江兵部右侍郎兼都察院右副都御史公

孚張君墓誌銘

奉直大夫達州知州立軒林公墓誌銘

封蕭母程孺人合祔墓誌銘

馮母楊夫人墓誌銘

張母成太孺人墓誌銘

乳母趙墓誌銘

卷四十七

神道碑 墓碑 墓表 祭文

贈通政使司通政使張公神道碑

詹事府少詹加詹事定齋崔公墓碑

處士李鹿山暨配王孺人墓碑

前明兵部尚書張公墓碑

吳梅村先生墓表

封內閣中書舍人喬公墓表

直隸任縣知縣盧府君墓表

兵馬司指揮陳公墓表

祭少師衛公文

祭太子太保禮部尚書王公文

祭汾州府推官竇雲明先生文

兵馬司指揮陳公墓表

祭少師衛公文

祭太子太保禮部尚書王公文

祭汾州府推官竇雲明先生文

祭吏部左侍郎南溟張公文

祭會稽唐公文

祭劉石菴文

祭熊母李太夫人文

祭吳母陳太夫人文

祭張烈婦王氏文

卷四十八

題跋 襍文

起居注冊後跋

御書後跋

御書千字文跋

書吳太伯世家後

書李斯阿二世書行督責後

書河東先生集後

書朱文恪公誥命後

書塗母壽詩後

跋錢浩川遺墨

記王大令保母志

跋項孔彰畫

文昌陰隲文跋

一錢說

二錢說

惜分陰說

說巖字說

廷翰字說

陳存字說

蔡霑雨字說

飼虎文

卷四十九

杜律詩話上

卷五十

飼虎文

卷四十九

杜律詩話上

卷五十

杜律詩話下

午亭文編總目



午亭文編總目

目

午亭文編卷一

六

午亭文編卷一

林佶官林佶輯錄

門人

林佶官林佶輯錄

午亭文編卷一

樂府



門人候官林佶輯錄



午亭文編卷一



門人候官林佶輯錄

樂府

朝會燕饗樂章十四篇并序



康熙二十年十二月定饗祀樂章

詔禮部翰林院議

明年正月尚書臣帥顏保學士臣陳廷敬等集議言

郊廟樂章

世祖章皇帝所親定臣等不敢變易獨朝會燕饗沿習前明典章未備祈勅下臣等考古樂之原定聲律之節作為雅歌用昭盛美詔曰可於是禮臣曰此詞臣職也以屬臣廷敬臣待臯掌院事乃集諸詞臣謂之曰廷敬材能淺薄不足以先制述之事樂歌之作無如公

等為宜諸詞臣固以讓臣臣不得辭嘗考古樂之備者
莫如詩朝會之樂正大雅之詩是也燕饗之樂正小雅
之詩是也漢以來失雅詩之義魏得杜夔所傳古樂四
篇遂做鹿鳴作於赫篇以祀武帝做騶虞作巍巍篇以
祀文帝做文王作洋洋篇以祀明帝則直以雅為頌且
亂以風又烏能得雅詩正義乎晉以後去古雖遠間存
雅詩之遺逮梁武帝南北郊明堂太廟三朝悉名為雅
則是頌聲亡而正雅之用混也唐分雅俗二部然所謂
雅者以別俗之名耳其實皆俗樂也宋郊廟之樂曰安
其義亦猶唐曰和隋曰夏也而朝會燕饗之樂亦以安
名詞皆短歌其亦猶有雅詩之遺意者與惟六變之曲
聲調靡曼實皆五字長句也及乎明之樂無有足觀者
矣我朝郊廟之樂名曰平今臣所撰樂章實先

其義亦猶唐曰和隋曰夏也而朝會燕饗之樂亦以安
名詞皆短歌其亦猶有雅詩之遺意者與惟六變之曲
聲調靡曼實皆五字長句也及乎明之樂無有足觀者
矣我朝郊廟之樂名曰平今臣所撰樂章實先
定名義朝會

皇帝升坐曰隆平還宮曰顯平

萬壽升坐曰乾平還宮曰泰平元旦升坐曰元平還宮
曰和平冬至升坐曰遂平還宮曰允平小宴升坐曰協
平還宮曰興平郊祀導迎曰祐平廟祀導迎曰禧
平謝見曰慶平外藩謝見曰治平雖略倣乎宋而要皆
以雅詩之義為準至於六變之曲則槩無取焉臣又嘗
誦正雅朝會之詩曰無念爾祖曰無遏爾躬燕饗之詩
曰視民不佻曰徧為爾德罔不盡其反覆丁寧之意而

不專主乎鋪張揚厲之辭臣雖愚陋竊取此義故十四
章之中所以陳述天命之不易大業之艱難者雖不能
盡其辭亦略舉其指焉臣不任皇恐頓首謹序

朝會

皇帝升坐中和韶樂作奏隆平之章

赫矣天鑒眷求惟聖保右我清既集有命假樂大君
天位以正蒞下有容監于萬方念茲崇功駿命孔常

右隆平之章十句

皇帝還宮中和韶樂作奏顯平之章

於昭三后誕降世德亶亶我皇克艱袞職治定功
成中和建極龍飛在天鳳儀于庭式奏王夏垂億萬齡

右顯平之章十句

萬壽

於昭 三后誕降世德疊疊我 皇克艱袞職治定功
成中和建極龍飛在天鳳儀于庭式奏王夏垂億萬齡

右顯平之章十句

萬壽

皇帝升坐中和韶樂作奏乾平之章

二儀清寧三辰順則維 帝凝命函冒區域仁恩廣覃

訖於動植久道化成隆功駿德 聖人多壽年世萬億

右乾平之章十句

皇帝還宮中和韶樂作奏泰平之章

鑒觀惟德丕命惟 皇肇茲壽域溥海要荒物性育茂

謠俗樂康冠帶之國望丰稔方曰惟萬年同于昊蒼

右泰平之章十句

元旦

皇帝升坐中和韶樂作奏元平之章

於穆元后敬授人時四始和令三陽肇基鸞路倉龍
載青其旂迎氣布德百工允釐行慶施惠及我烝黎

右元平之章十句

皇帝還宮中和韶樂作奏和平之章

有奕元會天子穆穆踟躕羣公至自九服正朔所加
海外臣僕率土惠懷萬民子育千齡億祀永綏第祿

右和平之章十句

冬至

皇帝升坐中和韶樂作奏遂平之章

乾符在握道轉鴻鈞天心見復物始資元景長舜日紀

協堯春玉琯應瑞寶曆肇新衆正在位輔翼一人

右遂平之章十句

皇帝升坐中和韶樂作奏遂平之章

乾符在握道轉鴻鈞天心見復物始資元景長舜日紀

協堯春玉琯應瑞寶曆肇新衆正在位輔翼 一人

右遂平之章十句

皇帝還宮中和韶樂作奏允平之章

皇帝在宥一陽斯溥淵默臨朝天職修舉君子道長駢
珪聯組占日書雲產祥降嘏宜暘而暘宜雨而雨

右允平之章十句

小宴

皇帝升坐丹陛大樂作奏協平之章

聖皇莅止穆穆皇皇百爾卿士章服斯光吹笙鼓琴式
燕嘉賓萬福既同歸美 一人

右協平之章八句

皇帝還宮丹陛大樂作奏興平之章

湛湛露零維豐之芑猗與在公思皇多士宴示慈惠以
洽百禮敬慎威儀福祿來只

右興平之章八句

郊祀導迎樂作奏祐平之章

皇天有命 列聖承之我 后配德文匡武綏海隅寧

謚神靈宴娛於萬斯年流慶降鑿

右祐平之章八句

廟祀導迎樂作奏禧平之章

於 皇紹烈累熙重光銷鑠羣惡我武奮揚肅肅清廟
峩峩奉璋奠鬯斯馨祚命無疆

右禧平之章八句

謝見丹陛大樂作奏慶平之章

於 皇紹烈累熙重光銷鑠羣惡我武奮揚肅肅清廟
峩峩奉璋奠鬯斯馨祚命無疆

右禧平之章八句

謝見丹陛大樂作奏慶平之章

皇覆萬寓品物咸亨九賓在列百譯輸誠濟濟卿士式
造在庭 帝仁如天 帝明如日親賢任能愛民育物
禮備樂成聲教四訖

右慶平之章十二句

外藩謝見丹陛大樂作奏治平之章

天盡所覆以畀我 清我德配命涵濡羣生萬國蹈舞
來享來庭侯侯傳傳視彼干戚 天威式臨其儀不忒

右治平之章十句

獻平滇雅表一首

臣廷敬嘗誦詩見大小雅六月采芑江漢常武皆言周
宣王南征北伐興治撥亂以定四方平天下之功臣嘗
竊歎以為如詩所載可謂盛哉後讀柳宗元平淮雅表
言宣王之形容與其輔佐由今望之若神人然直以雅
之故也臣按宗元意以謂宣王定四方平天下苟非其
臣尹吉甫召穆公輩作為雅詩傳之于今今雖欲望宣
王之形容及其輔佐之盛其道無從而宣王定四方平
天下之功亦不能赫赫必傳於後世烏虜宣王之功後
罕匹矣廼推較往古驗之方今功德盛隆邁于周雅而
適無有尹吉甫召穆公其人播為聲詩彰大其道其何
以昭宣治績丕揚成功傳之於後然則雅之作厥義重

矣哉臣伏見

皇上文武神聖天錫智勇光宅天下奠安八荒仁威所

適無有尹吉甫召穆公其人播為聲詩彰大其道其何以昭宣治績丕揚成功傳之於後然則雅之作厥義重矣哉臣伏見

皇上文武神聖天錫智勇光宅天下奠安八荒仁威所加率土內外罔不驚服乃有孽臣潛伏伺釁煽構禍亂震搖我疆圉倣擾我人民

皇上赫然一怒命將授鉞頃年以來定秦隴降閩海平兩粵收巴蜀天兵所向次第告捷而滇逆竊據南楚實為亂首

皇上神機中斷指授規略埽清湖湘進克黔南破堅摧險直薄滇城之下師久不解 朝旨督進軍麾一動氛祲消滅皆由 廟堂動罔遺策是以疆場舉必有功海外怖駭臣黎懽躍太平之會實當今日臣嘗計滇逆之

興亂干誅也耗糜帑賦私籍甲兵招納亡命擅行威福
尾大不掉反勢已成正如漢削七國唐縱藩鎮蚤發則
易圖優容則難拔故三藩之事 聖慮先覺不辭大創
之勞永奠萬年之治臣 所謂功德過於宣王而大雅不
作不勝惑焉顧朝臣至多豈無尹吉甫召穆公其人者
以颺 大清之盛美於無窮臣獨何人敢專斯事然臣
備員法從尤以文章為職業不得以能薄材謏不足以
自効為解謹撰平滇雅三篇再拜以獻 臣 廷敬誠惶誠
恐稽首頓首謹言

平滇雅三篇

并序

岳湖逐寇也

岳湖洋洋我武泱泱謂南有藩無敢撼我疆岳湖滔滔
我武颯颯謂南有藩無敢闖我郊 一章

平滇雅三篇并序

岳湖逐寇也

岳湖洋洋我武泱泱謂南有藩無敢撼我疆岳湖滔滔

我武踴躍謂南有藩無敢闖我郊

一章

我疆大矣我圉溢矣牙蘖其間竦棘合蝟昔我南藩化為異類

二章

帝曰大君以覆以載推食以食解衣以衣遷之善地勿剪勿拔

三章

彼惟狂昏狡焉生心肆為誅首啓戎于南如塘奮臂如蚋決首仰臆張如豕斯驚

四章

惟帝咨嗟惠威是崇薄往禽之孰佐予功予矜下民救此一方取其殘凶是類是造禡于臨衝楛矢敷弓

五章

我弓我矢靡旌摩壘兵無遺鏃耕無失耜天塹茫茫限

此江水既斷其趾且斬其頰六章

盜負險阻距趨躍踉跄飛饑歛羽翅以張候在太白占

于天狼我涇我隴是震是驚七章

維彼閩粵波盪海垠帝屢下顧哀此墊昏盜往連結

倚以父母乃餌乃誘乃為盜守八章

帝授天子鍬羽截鱗嶺海革面蒙羞來臣禽越于威柔

肌于恩盜失厥助飛魄殞命九章

老雄野死臬雛棲棲巢湖飲江傾搖于波爾居髑髏我

步透遲大袒高驤賊焉遯逃十章

洞庭湯湯岳陽峩峨載驅載馳爰拔厥家十一章

惟人歸德惟帝之謨窮經窟宅是剪是屠我武燁燿

式廓鬼區百蠻萬國俟我來蘇十二章

岳湖十有二章八章章八句二章章六句一章

滄庭湯湯岳陽峩峨載驅載馳爰拔厥家十一章

惟人歸德惟帝之謨窮經窟宅是剪是屠我武燁燁

式廓鬼區百蠻萬國僕我來蘇十二章

岳湖十有二章八章章八句二章章六句一章

十句一章四句

湘東克衡也衡盜倚為巢克之武功將成也

師踰于江于湘之東師如雷馮震衡岳以尊一夫為逆

多方則病播虐抗有德我人斯奮卒歸厥命一章

歸命伊何衡人之災衡盜所家追奔逐北犀甲雕戈虎

旂龍節天威所加二章

帝臣如虎帝師驅武烈烈旃旌淵淵金鼓嶷嶷綏章

嘽嘽戎路莫我敢拒三章

右刈武陵左掃星沙磨崖响嶮我功孔嘉戎馬晨服候

烽夕遮剝絕惡本敢遺萌芽四章

其恃楓木其恃辰龍震之拔之自西自東陟嶺踰微于

山于川遠招邇歸囚豪解顏五章

東西合師進次于沅孽童日感怙兇忍頑左擣其虛右

攻其堅載闢載被會于中權六章

既克于沅沅人嬰嬰如日之昇如霖遇晞以肉其枯以

勅其羸式歌且舞以樂我師七章

南訖羅施來迎壺漿鳴鞀銅鼓洗兵盤江彼寇輿屍晝

匿宵奔滇人荒荼待我于門八章

凡此滇功惟天子乃成古者推轂相外以行今者決

勝一秉廟庭孰是遺孽而厯睿明九章

師徒渾渾漸集于滇惟天威式監官臣恪守乃獲其

醜保大定功流聲焉窮十章

凡此滇功惟 天子乃成古者推轂相外以行今者決
勝一秉 廟庭孰是遺孽而厯睿明九章

師徒渾渾漸集于滇惟 天威式監官臣恪守乃獲其
醜保大定功流聲焉窮十章

湘東十章一章九句三章章七句六章章八句
滇池盜伏于滇師受 聖策平之武功成也

滇池洶洶 帝乃平之匪彼元戎惟 帝之功高居北
極洞視下方惟仁智勇克靖萬邦一章

帝命臣塔汝從西粵急擣其窟塔拜受 命銜枚束刃
環滇其來龍駭鵬騫軍聲轟然如墜自天二章

帝命臣里汝從巴蜀橫剪側入里拜受 命量沙追蓐
有疾其驅無暴我邦踣柵趾壘言壁其東三章

帝命臣泰汝從黔趨惟此蠢賊數載曠誅汝將士用命

賊其敢逋秦拜受 命于 皇之訓 四章

我旒我旗于苗于蠻度幕輕留彌險蔽關奪其阻隘掀

其籬藩獸窮負岵我師固以完 五章

帝命我師勢為犄角麾城斬邑萬里手握維彼轂麇敢

抗喬嶽維彼萌枿敢傲霜電 六章

彼枿繁矣于焉蟠根雨露既濡忘 帝力之勤 聖人

神武施設芟夸斲彼集鷲張我熊螭 七章

倭鐔批亢下甲陷堅箕張翼舒合圍于原獸窮于阱人

或獸哀快彼凶醜覆卵毀胎 八章

帝曰吁嗟勞我人師日費百萬大農不支滇人望拯如

舖瘵饑載礪載攻 天策攸宜 九章

益冬月杪師薄于城降旂夕監逆駭縱橫林野塗腦郵

驛遞顧滇人歌舞于屋于衢 十章

帝曰吁嗟勞我人師日費百萬大農不支滇人望拯如
舖療饑載礪載攻 天策攸宜九章

益冬月杪師薄于城降旛夕監正逆駭縱橫林野塗腦郵
驛遞顧滇人歌舞于屋于衢十章

夜半捷來 天心惻楚閔憐下氓罹此荼苦我將我師
于野暴露布惠疇功急疾如火十一章

于廟于郊其儀孔熾華俎膋牲永言昭事都人士
女白容黃童歡呀噎笑祝我 聖躬十二章

帝曰歸來予開明堂制禮興樂登賢拔良孩養無告施
厚仁蒞熙我庶績綱舉目張永萬斯年率由不忘十三章

滇池十三章十章章八句二章章九句一章十

句

北征大捷功成振旅凱歌二十首并序

日者

皇上北顧邊陲永惟戡定 聖心獨斷決策親征羣臣
震悚表請遣命將士毋煩 車駕遠行蒙 詔旨開喻
弗允臣廷敬伏念

皇上為天下勤勞歷涉沙磧躬莅戰陣而臣下晏然安
處其何以自寧於時謹詣宮門奏乞扈從蒙 天心矜
憐謂臣年力就衰 恩旨下頒臣恭聽之頃不覺涕零
伏念臣以衰薄不克備戎行効職役今者 天戈一指
兇醜破滅朝至暮捷功成漏刻敷天率土罔不懽忻臣
受 恩高厚無所報稱惟謏述文句以導揚 盛德於
萬一而臣愧非其才惶恐踰時復不能自己臣伏見

皇上覆育四海撫有萬邦東西朔南懷仁歸義聲教所
角遐荒異域侯王君長稽顙闕廷至若 聖略 天威

受 恩高厚無所報稱惟謹述文句以導揚 盛德於
萬一而臣愧非其才惶恐踰時復不能自己臣伏見

皇上覆育四海撫有萬邦東西朔南懷仁歸義聲教所
通遐荒異域侯王君長稽顙闕廷至若 聖略 天威
武功丕顯 御極以來平察哈爾定三逆取臺灣服倭
羅斯收喀爾喀掃蕩邊塵廓清疆宇固已烜赫炳耀亘
古今而昭天壤弘恢服而奠生民矣迺厄魯特噶爾丹
者違我德化自絕生成梟獍猖狂侵我屬國洵法所必
討師出有名

皇上躬御六龍親護諸將驅鷹揚螭虎之士臨大荒盡
窮幕風行電激聲震雷霆而天申顯佑百靈効順風雨
不驚水草應候時日吉良士馬利賴殲廿年逋誅之寇
建萬世不拔之功此誠開闢迄今簡冊所宣布宇宙所

流傳 聖績神猷曠古無匹者也 臣雖不能侍 行幄
至營壘親見剪獯屠戎之盛猶欲形之篇翰製為詠歌
以敬颺我神武之光明亦臣之至幸也謹按王師大獻
奏愷樂周禮始著其義釋者曰愷兵樂也司馬法云得
意則愷樂所以示喜也漢有短簫饒歌魏克官渡晉征
遼東皆製歌曲被之聲樂凡以諷道戰伐之事而申寫
三軍凱樂之情唐柳宗元有饒歌鼓吹曲宋有姜夔聖
宋饒歌曲皆其所自作以進之朝廷此皆古體詩也然
自岑參劉禹錫諸人已自以今體為凱歌聲調具有風
雅之遺 臣今竊取宗元夔進詩之義詩用參禹錫之體
作北征大捷功成振旅凱歌二十首 臣目雖昏眊勉自
繕寫字畫蕪穢仰塵慈矚 臣不任榮忭不任兢惕之至
皇家本意為銷兵刻日邊沙一戰清九伐元從 天子

雅之遺臣今竊取宗元夔進詩之義詩用參禹錫之體
作北征大捷功成振旅凱歌二十首臣目雖昏眵勉自
繕寫字畫蕪穢仰塵慈矚凡臣不任榮忭不任兢惕之至
皇家本意為銷兵刻日邊沙一戰清九伐元從 天子
出翠華親總六師行

聞道神功斷乃成盈庭連表諫親征誰知 聖算高千
古一著戎衣定太平

蕭蕭龍笛出關聲雲旆晴翻朔吹輕十萬羽林眠夜月
迴看北斗挂南營

汗馬河源飲欲乾夕陽萬竈冷炊烟玉鞭應有山靈護
指處三軍見井泉

宜暘時節草芊芊便是窮荒大有年風伯雨師齊効順
可知 聖德格皇天

算得西營計日糧
玉音纔罷見封章
懸知宿飽三軍

士金革銜恩在戰場

祇為生民事遠征
前軍馬上捷書成
絲綸簿載蛟龍筆
批荅人知出塞情

月上旌門映細旃
旄頭影落斷狼烟
尚衣高鎖黃金甲
長記龍韜決勝年

開拓皇輿四接天
職方環海浩無邊
黃雲萬疊青霄外
收取山河直到燕

苗格於今正七旬
兩階干羽更森森
全收瀚海為靈囿
要置天山列禁林

幕南庭北接王畿
一道清塵捷騎飛
四十九藩先拜舞

朔天生養在皇威

漠漠雲隨露布生
人知天意為親征
朝衣半溼蒼

要置天山列禁林

幕南庭北接王畿一道清塵捷騎飛四十九藩先拜舞

朔天生養在皇威

漠漠雲隨露布生人知天意為

親征朝衣半溼蒼

龍雨點點分明淨洗兵

迴軍吹角罷連營疊鼓風多破陣聲寫入

天朝新樂

府流傳神武見昇平

武功文德並崔巍

聖藻篇章每獨裁萬古燕然留片

石磨崖親與勒銘迴

春歸苑樹別長安六月龍沙草露溥邊柳千條花萬朶

一時留取待回鑾

今來楊柳正依依昔去關山雨雪霏魚海輕陰猶未散
五雲常繞六龍飛

天廐驍騰汗血斑
嘶風別去籥雲還
瓜時不遣黃龍戍
首著青青意自閑

九邊萬里抱神京
地盡遙荒戍不驚
夜夜關門開曉月
天家本不用長城

劍花弓月拂雲還
歸路邊庭障塞閒
數首新詞翻鼓吹
凱歌聲裏舊關山

帝德天威日正中
九賓王享百蠻通
炎黃以降多青史
萬乘臨戎第一功

謹獻

大駕三臨沙漠
親平僭逆
聖武雅表一首

臣廷敬伏見我

皇上撫御萬方盡有四海內外
恩德鴻龐聲教遐暨
比年以來天下宴安而推溯武功
所由戡定則誅三逆

大駕三臨沙漠 親平僭逆 聖武雅表一首
臣廷敬伏見我

皇上撫御萬方盡有四海內外 恩德鴻龐聲教遐暨
比年以來天下宴安而推溯武功所由戡定則誅三逆
以平滇黔粵閩楚蜀外闢察哈爾臺灣倭羅斯喀爾喀
之地幅幘之廣超越前古治化之隆巍煥莫並今 神
謀獨斷 聖武布昭伐罪救民躬行天討大憝授首餘
黨歸誠厄魯特全國蕩平捷書至日雷動嵩呼中外臣
士閭巷小民罔不歡欣忭慶蓋是時 車駕親征馳驅
戎壘凡三出朔塞矣當 天衷決策初御六師中朝悚
慄僚庶攀留臣以年力就衰蒙 恩矜憐弗允扈從之
請自是以來祇遵成 命不敢再瀆 天慈而違離
聖顏日夕虔惕伏念

皇上為天下掃除殘賊為邊疆永致廓清跋歷窮荒經
涉寒暑勤勞軍務旰食宵興而臣子安居略無寸効今
已無事言念國恩無所報稱猶欲俯竭愚誠撰擬文
句敬颺聖烈之無窮而臣媿鄙無學尋繹累日莫知
所擇竊惟自古帝王有功於天下其名聲彰著於後世
者方策之所紀載金石之所刊錄聲詩之所流傳後之
人攬其事而遐想其盛焉是以昭昭然若昨日事也然
而其盛者亦不數數觀矣阪泉涿鹿以還古今稱善用
兵者漢之高帝唐之太宗皆自興事之始乘時構會底
於成功若我

皇上聖德而踐天位躬居大寶志切生民仁育羣倫義
征不諛尊臨九重制勝萬里天威所至攻戰多方撲

滅兇殘蕩掃巢窟宿寇遺孽一朝頓除伏壯載之逋誅

於成功若我

皇上聖德而踐天位躬居大寶志切生民仁育羣倫義
征不諛尊臨九重制勝萬里天威所至攻戰多方撲
滅兇殘蕩埽巢窟宿寇遺孽一朝頓除伏壯載之逋誅
樹九邊之壯觀殲其渠魁降其支黨燧烽永息亭埃不
施曠古難平之部落盡為臣僕普天所有之士宇咸入
版圖自此寰海清平兆民樂業集萬年之鴻慶成千古
之大功臣仰窺聖烈俯稽往古漢祖唐宗起於側陋
角一時之雄乘末流之敝雖精於兵事而我
皇上文謨武烈聖德神功實遠邁前徽矣若夫書冊所
載既有天下優游宮禁之中不過遣將興師身居其逸
坐收其效間有親征如宋藝祖之北伐明成祖之行邊
宋則失利明則鮮功是以方策金石聲詩之文彷彿擬

比可導揚盛美之萬一者蓋徇徨震掉而莫知所擇焉
求之於詩惟周宣王身為天子南征北伐有定天下之
功雖淮夷諸小敵未為甚難平之寇而獯狁之伐止于
太原皆命臣士以行事蹟殊不類然其臣詠歌之詞孔
子有取焉唐臣柳宗元本其義作唐雅臣於嚮者滇逆
之平不度固陋竊取其義進平滇雅曾上座 聖覽今
臣伏思後世饒歌鼓吹之曲未足以盡 聖武之形容
仍依古體謹撰 大駕三臨沙漠 親平僭逆 聖武
雅三篇繕錄以進臣之愚意固以敷宣人事之盛美而
其義則歸本於天我

皇上即天也覆載照臨雷霆風雨天之所以為道栽培

傾覆治亂侮亡

皇上之所以為功彼嚮爾丹自外於覆載照臨之內干

其義則歸本於天我

皇上即天也覆載照臨雷霆風雨天之所以為道栽培
傾覆治亂侮亡

皇上之所以為功彼嚙爾丹自外於覆載照臨之內干
雷霆之誅絕風雨之澤蓋所謂逆天者亡也我

皇上天威所臨賊始則沙場糜敗妻孥磔屠繼則衆叛
親離孤雛就縛其卒也我

皇上親揮將士迫抵賊巢賊知逆天必誅飲藥自殺遯
始訖終我

皇上馳驅萬里勞苦艱難若非親征大舉必不克迅
致膚功此人事也即天也至若晴暘以時靈泉表異水
草應候百神致祥旋師之先甘雨灑郊飲至之日雲陰
開霽臣僚擁道恭迎都人父老孺子辨香欣躍愷樂慶

成臣推本於天之義由茲益自信焉臣不任榮幸歡忭
之至

聖武雅三篇

并序

惟天初臨沙漠安邊靖寇破敵大捷行慶於民振
旅還京武功盛也

惟天惟帝惟帝乃天盡天所覆我徼我邊何彼逆

鷲為我人患帝自伐之往取其殘

一章

衆曰至尊毋勞萬乘我師武臣孰不恭命帝曰

吁哉自昔弔民如水斯溺如火斯焚

二章

帝謂卿士朕必親往彼惡貫盈煽虐滋廣擣其腹心

離其支黨安我荒服除彼狙獷

三章

諏春吉日是類是宜聖謨先定叶于神祇既攻我車

既秣我馬峙我糗糧于塞之下

四章

帝謂卿士 朕必親往彼惡貫盈煽虐滋廣擣其腹心
離其支黨安我荒服除彼狙獷三章

諏春吉日是類是宜 聖謨先定叶于神祇既攻我車
既秣我馬峙我糗糧于塞之下四章

六龍遄飛關雲四開師行如山如霆如雷蠲租已賦民
有慶哉屬國謹呀 天子自來五章

茫茫荒磧伐薪孔遐溼烟不爨萬竈以譁我軍之行晴
空洋洋兩師避道宜暘而暘六章

帝減尚食哺我士饑飲我士渴朝斯暮斯野曠無水何
以為糜玉鞭所指靈泉瀰瀰七章

無人之鄉絕轡之野五日窮追賊衆解瓦彼狂何知竄
從顛魄不謂 帝來初猶笑啞八章

寇昏以驚聞 帝自將獸窮突奔心膽墮喪軍扼于途

大殲巨創瀚海塵揚天山簸蕩九章

築壘于正波血于河九州百蠻為鑿孔多燕然之山蒼

崖嵯峨伐石紀功萬載不磨十章

都人黃耆扶携來迎鏡吹所歌告武之成桑麻在郊民

熙以耕戎衣一著四海永清十一章

惟天十有一章章八句

皇矣再臨沙漠相機宜撫降人安兵民武功再盛

也

皇矣 聖功邊氓孔安惟 帝念茲奠即于完自我來

歸由暑訖寒旅師在野雨雪其漫一章

天初生人豈擇莠良 帝德好生并包八荒從化者存

不龔者亡汝尚能來無或汝戕二章

汝家糜矣汝徒娶矣羈孤單棲云何嬉矣汝尚能來食

歸由暑訖寒旅師在野雨雪其漫一章

天初生人豈擇莠良 帝德好生并包八荒從化者存

不龔者亡汝尚能來無或汝戕二章

汝家糜矣汝徒娶矣羈孤單棲云何嬉矣汝尚能來食
之衣之天無不疇天無不持三章

怙終者誅國有明紀彼頑不悛盜我儲峙師進逐之原
野萬里皆我職方何奔何止四章

皇命于廷是礪是攻拔本塞亂惟義之中 朕不親往

邊人筑筑我怙我恃豈憚征行五章

朔風蕭蕭捲我旆旃翠華載臨儼涉我郊藩落老稚簞
壺以勞 帝來撫我于險于遙六章

或擁道周或控馬首 帝顏霽溫下拊以手如燠如春
恩語勤厚坐使來前薄饗其有七章

言幸師營言迫賊壘烜赫 天聲賊黨破徙其降如歸

其趨如市來者既多惟恐後至八章

帝待降人曰彼大辜汝則何罪罹彼毒荼致汝于鋒致

汝于屠其來汝拔爰止爰居九章

帝謂降人我黎我赤草枯于原冰堅于磧藹藹陽和于

疆于陌盡降其人大醜斯獲十章

我士我旅歲其云遷 帝念我人言歸言旋凱聲載路

士女闐闐 帝威 帝德振古無前十一章

皇矣十有一章章八句

武成三臨沙漠禽其孽子殲其渠兇餘黨歸命武

功大成也

武成自初三援天戈惟 皇之命神人以和長彼蠢螟

奈此嘉禾既化其類胥顛其窠一章

武成三臨沙漠禽其孽子殪其渠兇餘黨歸命武
功大成也

武成自初三援天戈惟皇之命神人以和長彼蠱螟

奈此嘉禾既化其類胥顛其窠一章

載祓載嚴式張我武雲旂飄翩日繞熊虎風颺烈烈揚

于金鼓弧矢朱弓不殊于羽二章

皇眷西土我理我疆于闕于塞于邊之牆于隴于畝于

河之陽下民何幸近天子光三章

皇撫吾民以覆以載是幸是臨恩逾汪濊帝來人歡

帝行人思六師所過言錫我釐四章

帝行天中如日正車咨遣兩師以翼漠沙尅日並進毋

謂遠遐角之掎之天威所加五章

爰陟爰止狼居胥山四顧藩部于川于原皆我在宥矜

茲彈丸如毒斯螫如爪斯蹇六章

彼臬日感孤雛棲棲我禽獮之檻致于畿人之無良不

保妻子惟汝之為求禍自爾七章

我師日進言迫其巢卵傾翼折臬困以嗥腊斯焚斯不

復遠跳乃如之賊為戒茲昭八章

戮尸于軍傳首于邊變容慄股孰敢不虔皇赫斯怒

遠人所觀如帶如礪如石之磐九章

載馳載旋言歸凱樂于以慶成于郊于廟載沛

德音四方是告帝開明堂萬邦畢照十章

惟天同符以清以寧自此無事泰階永平惟帝之功

與天無極斯歲斯年于萬于億十一章

武成十有一章章八句

南巡歌十二章并序

惟天同符以清以寧自山無事泰隆永平惟帝之功
與天無極斯歲斯年于萬于億十一

武成十有一章章八句

南巡歌十二章并序

聖駕親視河工弘恤民隱恩膏廣沛遠邇同庥臣廷敬
誠懽誠忭稽首頓首上言臣備員戶曹於今六易年所
每蒙天語垂問郡國水旱年歲豐歉仰見我

皇上天覆四海子育兆民尊居九重慮周萬里無時不
以黎庶為念無事不以仁愛為心茲以黃連兩河關漕
輓之安危繫民生之休戚乘輿臨歷指示規為翠華
所莅皇澤覃敷臣所不及知者多矣以臣所領職事
奉明詔而宣德意者數日之中新綸徧於寰宇湛恩普
於遐方郵驛所傳源源而未有涯也臣等謹循職守恭

五言文苑卷一
三
繹恩綸俯同官僚欣感 聖政惟我

皇上德盛功高仁深澤厚際天蟠地曠古振今生民以
來所未有也臣等雖未獲與扈蹕之榮而實竊幸遭逢
之盛每接 詔旨仰遵宣布傳示遐邇朝臣颺頌問巷
歡舞以及四遠之人無不手額稱慶僉曰 聖德厚矣
至矣無以加矣吾曹何幸而生 聖人之世也臣伏惟
皇上念切民依特事巡省恩波肆暨江海同沾而始也
以河決不治惠及吾民仰煩 聖慮夫治河誠國之大
事也臣嘗稽之往古禹底九河之績禹貢詳其文漢築
宣房之宮作歌紀其事蓋篇籍所傳詠歌所述厥務亦
綦重矣我

皇上仰符天道俯愜輿情盼睠之間指揮斯定已收數
十年不奏之功肇億萬載平成之績 聖謨廣運媿隆

宣房之宮作歌紀其事蓋篇籍所傳詠歌所述厥務亦
綦重矣我

皇上仰符天道俯愜輿情眇眇之間指揮斯定已收數
十年不奏之功肇億萬載平成之績 聖謨廣運媿隆
神禹而恩澤弘普恤民之災謀其生計憫民之乏免其
正供有禹貢之所不能載者扈從諸臣宜備書方冊垂
休奕禩矣若夫漢塞瓠子作宮其上名宣房而作瓠
子之歌章美其事載在漢書中臣以謂漢塞一決河耳
且猶詠歌之我

皇上治河上下數千里至於江海之廣咸蒙 聖恩誠
有非漢代之所能幾及萬一者而樂府不作其何以闡
揚盛美臣不揣固陋謹因 臣部所奉詔旨每撰一歌仰
識 聖德神功於永永無極且以慶幸臣之榮遇焉至

若寬恤有司矜釋刑獄事下他部而臣所及知者亦謹
併識焉詞雖不文然其聲調頗取漢魏以來樂府夫樂
府之作皆以被之金石絲竹薦之朝廟用之家國非徒
為文字觀美而已今臣所撰雖不敢妄擬古之作者實
欲俾奕世知我國家功德誠遠侔三代之隆斷非漢
以來盛時所可比擬萬一於治定功成播朝廷之美
宣天地之和庶幾其義有取焉爾臣不任兢惕不任忻
忭以聞

歲二月第一

頌奉
皇太后鑾輿時巡也

歲二月巡狩惟虞帝之則其始由岱宗順時布令德我

皇握天樞舉事合經籍煌煌大業初
慈闈共夙昔及
茲撫金甌九圍觀式廓晨昏在帷鑿
玉顏正怡懌孝

皇太后鑾輿時巡也

歲二月巡狩惟虞帝之則其始曰岱宗順時布令德我

皇握天樞舉事合經籍煌煌大業初 慈闈共夙昔及
茲撫金甌九圍覩式廓晨昏在帷鑿 玉顏正怡懌孝
理通烝民歡心洽萬國

右歲二月十四句

平成第二

紀閼河也

平成際時雍 聖人肇興萬世功以仁為涵濡義為繩
約禮為隄防智為疏鑿清河排決萬斛泥高堰水落蛟
鼉移上下河海吾
皇不來民其將焉如爰取其陳惠此貧者士女歌舞金
堤下

右平成十四句

淮水清第三

述留漕也

淮水清黃水波中有漕船過率三十鍾才致一石多淮
揚水流滂沱水中人營巢居其能免乎為魚寒者待衣
饑者待舖留船漕二十萬石行者得休居者得食感
皇恩歌以易泣稼穡艱難一粒一珠 皇恩浩汗
右淮水清十九句

江南北第四

紀免江南北通賦也

江南北江茫茫吾

君恩澤江流與長江以南江以北頌洋洋緩新除舊賦
婦子偕樂康江天高高崇隆上天施雨露時乘駕六龍

江南北江茫茫吾

紀免江南北連賦也

君恩澤江流與長江以南江以北頌洋洋緩新除舊賦
婦子偕樂康江天高高崇隆上天施雨露時乘駕六龍
瞻雲而就日萬姓來邕邕視聽自我民民依與天通壽
萬億年福祿同年年三月春風中

右江南北十九句

時和第五

紀免淮揚額賦也

時和景鴻長 聖人莅阼萬斯年恩膏溥流布我民一
時遠作息潤枯甘雨澍盡賜舊年租新穀登場在旦暮
曲體民生從來王道本人情仁且明愛民如此所以致
昇平

右時和十三句

吳山第六

紀免浙江逋賦也

吳山高越水長江流無波海不揚引領望幸慰我耕桑
攀留鑿輿福我子婦復其民無有所與長吏安所事蒲
鞭九年耕賜三年賦

右吳山十一句

海濱田第七

紀恤商也

海濱田川貢珍皎玉雪莽若雲民所重儼耕芸 聖澤
隆瑞氣氤沛汪濊潤下土寬餘筴惠萬估靈露零錫嘉

祐叙八政脩九府醜殷殷爛揚光若農晦禾稼穰四時
榮和衆芳 聖人出萬寶昌

海濱田川貢珍物王雪莽若雲民所重儼耕芸 聖澤
隆瑞氣氤沛汪濊潤下土寬餘筴惠萬估靈露零錫嘉
祐叙八政脩九府醜殷殷爛揚光若農晦禾稼穰四時
榮和衆芳 聖人出萬寶昌

右海濱田二十四句

江湖盤第八

述廣八學額也

江湖盤坡陀美哉磊犖而英多菁菁者莪在中阿言采
其芹于泮之沚芄芄棣櫟薪樵是以奕奕龍光濟濟多
士萬年以寧媚 天子

右江湖盤十句

淮南第九

紀免鳳陽額賦也

淮南涖渚混牛馬禾穰生耳卧原野秋穀在田中困簾
蓋寡

帝南巡恩澤洶欲令里閭富蓄藏天意豈獨私一方
十行詔下通雨暘不事金木占饑穰穀我婦子千倉
萬箱祝聖君萬壽昌

右淮南十四句

岱峰第十

紀免山東額賦並賜緩征通租也

岱峰觸雲根膏雨來天門自皇之來矣解網賜生存
天下民自以不寃自皇之旋矣頻施除復恩岱峰
我肅然祥風乘朝曦播神功周覽滄海聖澤龐洪道光
素王心傳魯東躋民仁壽中刑措銷兵戎

右岱峰十七句

天下民自以不寃自 皇之旋矣頻施除復恩岱峰峩
峩肅然祥風乘朝曦播神功周覽滄海聖澤龐洪道光
素王心傳魯東躋民仁壽中刑措銷兵戎

右岱峰十七句

於昭第十一

頌

天藻留題

聖書頌賜也

於昭惟天惟 聖皇盡覆下土臨萬方文思被格侔陶
唐讀書萬卷摛 天章倬哉雲漢神龍翔彤池灑墨江
海光山川留題奕葉長從官拜賜羅 御牀賚及守土
同巖廊舊臣何幸趨 帝傷鸞迴鳳舞親携將心依日
月身江鄉我 皇文治洵煒煌輝映百彙皆蕃昌微臣
奉職占農祥欲請未敢中傷惶作歌傳後示不忘

右於昭十七句

擊壤第十二

頌太平也

皇上創興鴻基連歲北伐率土臣服四方晏然猶復治益求治宵旰不遑茲者巡歷

吳越乘輿所莅自守土之臣及四方靡不沾被湛恩蠲租除賦赦過省刑太和之化洋溢萬國記曰心和形和則天地之和應之此作樂之本也

擊壤歌太平惟吾君聖神萬里絕沙幕掃除妖氛安

黎元尚慮疾苦壅上聞歲在木日營室皇乃時巡供

張不復煩吾民枯者以濡寒者以暄除租賦以裕其儲

蓄方伯二千石復其爵秩俾謹身撫字子養有若父與

昆蠲釋苛與煩囹圄之幽回春溫天子實活我不知

獄吏尊自充沿吳越愷澤流無垠路無拾遺之夫郵商

惠農時吏不呼門九歌既叙兮九叙惟歌九州懽愉兮

九奏孔多億萬斯年兮舞蹈太和

右擊壤三十句

獄吏尊自充沿吳越愷澤流無垠路無拾遺之夫郵商
患農時吏不呼門九歌既叙兮九叙惟歌九州權愉兮
九奏孔多億萬斯年芳舞蹈太和

右擊壤三十句

午亭文編卷一

男壯履恭較



午亭文編卷二

二



午亭文編卷二

樂府

門人候官林佶輯錄

午亭文編卷二

門人候官林佶輯錄

樂府

遠遊篇

遠遊何所之乃在大海隅海波何澹澹雲氣何舒舒赤
螭為我駕翠蚪為我驅神魚如山長電目止松鬚綠髮
兩仙童指引神所居飄緲白玉闕照耀黃金鋪珊瑚為
階砌木難為門樞星娥倚東廂微笑玉齒殊仙老三五
人龐眉曳輕裾食我以瓊蔬遺我石函書書中何所云
保汝千年軀永同金石固日月齊靈符下視人間世榮
華真斯須

白馬篇

白馬驕秋霜銀鞍照路傷黃金為馬銜珊瑚為劍裝被
服閑且都雜以綺羅香交遊競意氣俯仰垂榮光長兄
二千石小弟侍中郎身冠羽林籍名艷鬪雞塲要間烏
號弓右發左輓強一縱連兩禽鳴鏑隨低昂歸來道狹
邪緩帶傾華觴猗嗟陽阿舞迭奏邯鄲倡為樂苦不極
紅顏坐凋傷

關山月

烽冷天山色霜明瀚海流臨關弓抱影度隴劍橫秋玉
笛三更夢金閨萬里愁龍堆看夜夜長歎上邊樓

陌上桑

曉日渭橋東行人春思中桑間秦樓女綠映顏花紅玉
釧低枝露香羅隔葉風飄燕饑正歸去五馬立烟空

班婕妤

陌上桑

曉日渭橋東行人春思中
不似閒秦樓女綠映顏花紅玉
釧低枝露香羅隔葉風飄燕
饑正歸去五馬立烟空

班婕妤

顏色春桃李東風寧久留
昭陽飛燕寵長信婕妤愁玉
階惟見月團扇已驚秋
試問承恩者常懷衰謝憂

明妃怨

千古蛾眉意丹青畫不成
生綃空有恨掖寢本無情紅
淚邊花色朱絃磧雁聲
那堪孤塚月還照漢時營

銅雀臺

昔時銅雀伎曾薦綺羅香
遺恨千秋令雄心六尺牀舞
餘金鳳冷望極玉蛾長
日暮西陵道悲風生濁漳

折楊柳二首

樓下與君別柳條初覆肩柳今與樓長搖曳金窓煙春
暗黃龍塞花明黑水川含情忍攀折遠寄東風前
楊柳三春樹年年別恨長曲中官渡月枝上塞門霜紅
粉倡園色黃沙劍客妝金鞭不可贈攀折暮情傷

山鷓鴣

何處鷓鴣飛湘江斑竹枝夕煙人影外斜日客行時斷
續虞妃淚蒼黃屈子辭更聞賈太傅鵬鳥賦深悲

猗蘭操

猗猗其蘭迺在空谷我行四野奚處奚宿其蘭猗猗幽
幽其香雜彼蕃廡我心相羊蘭其如何維霜及霰時節
晚暮不我能見子不我見我心則夷悠哉以老樂天弗

疑

將歸操

幽其香雜彼蕃廡我心相羊蘭其如何維霜及霰時節
晚暮不我能見子不我見我心則夷悠哉以老樂天弗

幾

將歸操

河之水湯湯我欲濟兮川無梁豈繫川無梁我褰我裳
河之水幽幽我欲濟兮波無舟豈繫波無舟我曳我裾
我裳我裾不可以濡兮吾將焉求

雉朝飛操

雉夜兩兩朝雙飛雄者氣盈挾其雌雌欲啄雄欲飛雌
不敢以東西彼獨何者羣遊中野雉子斑奏鳴絃羈孤
向人生自憐

梁父吟

我歌梁父吟慨慷誰與陳君不見公旦巧能世絕倫吐

牛車文編卷二
三
哺提髮衆士親嗷嗷赤鳥下白屋後來豈有如公人君
不見吹簫馭繒士所蓋得時辟倪輕儒流賈生歎鵬陸
生老刀筆之吏為通侯

烏夜啼

寒夜夜長夜不明五更盼斷霜禽聲紅顏易歇綠窓裏
塞鴻欲度林鷗起金井雙桐露葉低秋閨月落玉關西
年年為伴相思老莫向高樓別處啼

冉冉孤生竹

冉冉孤生竹今為薊北篁地寒出不高枝葉稀飄揚不
恨枝葉稀三冬被嚴霜豈無雨露滋時至則萎黃託根
失處所撫心多慨傷

幽澗泉

白石爛爛流泉深松風寂歷吹素琴山窓明月弔孤影

恨枝葉稀三冬被嚴霜豈無雨露滋時至則萎黃託根
失處所撫心多慨傷

幽澗泉

白石爛爛流泉深松風寂歷吹素琴山窓明月弔孤影
別來五度秋蛩吟蛩吟人不歸怨鶴空山飛泉水波木
葉稀緝商綴羽張急徽

北邙行

洛陽城北山峨嵒城中人少山墓多白鳥半夜啄大屋
青燐當晝燔陵谷自經喪亂墓無主野田髑髏悲自語
寒食誰家送紙錢魂孤眼望愁鷓鴣客來遠眺蒼茫裏
東見虎牢西熊耳山川酌酒一高歌光武陵邊杏最羨
君子有所思行

生民皇古前心志自澹泊迨彼喜怒煩憂患抵中惡聖

人急其病道和抹以藥作樂反性初緣情禮乃託悠哉
咸韶音風淳合冥漠絙桐通神明截竹諧葦籥千秋鳳
一鳴四海皆安樂

艾如張

艾而張羅旌門蕭蕭馬鳴獸嗥于田非好殺取足盈大
苞白露下來麋鹿始交鹿有匹兮山有羅吹聲象匹鹿
奈何

芳樹

芳樹長搖搖四邊多烈風黃鵠在其上養子芳樹中寒
影濯清露羽毛亦不豐託身寧非高心欲陵蒼穹迴頭
謂芳樹勿作風中蓬大者拔本根小能傷青蔥稀枝兼
落葉與子分西東芳樹謝黃鵠此言何愚蒙風來無時
休將吾誰適從汝自慎身口大造無全功黃鵠舉翅飛

影濯清露羽毛亦不豐託身寧非高心欲陵蒼穹迴頭
謂芳樹勿作風中蓬大者拔本根小能傷青蔥稀枝兼
落葉與子分西東芳樹謝黃鵠此言何愚蒙風來無時
休將吾誰適從汝自慎身口大造無全功黃鵠舉翅飛
推乃子躡雲蹤後來見芳樹低摧橫烟空

種葛篇

鬱鬱南山葛離離東井瓜本自不同生兔絲緣女蘿葛
苗亦已長瓜蔓亦已多霜天各刈除棄捐于中阿種瓜
瓜有種種葛葛有芽瓜葛相結連我心則匪他拳拳執
明信歲寒夫如何

蒲生行浮萍篇

浮萍東西流離離青蒲間小年事君子不知心所歡錦
衾生恐慄半臂承夜寒恪勤在婦道冰雪灑肺肝霜天

弄機杼縹絲織縑紉充君下體服自顧衣裳單米鹽碎
小務家室粗以完慊慊三十載一日無歡顏容色不再
好罪尤誠有端故人足可棄新人亦可憐人誰不娶婦
君家婦良難新人不待故聞聲發永歎蒲生何離被浮
萍何汎瀾此曲不可竟曲竟增悲酸

蒿里行

青青松柏原鬱鬱古蒿里留待市朝人容華謝桃李桃
李春光搖曳時東風未老已先悲蟲蝕葉雨摧枝成陰
結子難豫知人生朝露日易晞滿堂歡笑翻涕洟言駕
幽山去親戚相攀追遺君舊劍佩卷君舊羅幃清酒安
可酌餘閣空盈卮狐兔夜深語賓朋四散歸各各有一

日不必相歔歔蒿里路遠在百年近旦暮生時不自綴
意樂坐見春花委芳樹

幽山去親戚相攀追遺君舊劍佩卷君舊羅幃清酒安
可酌餘閣空盈卮狐兔夜深語賓朋四散歸各各有一
日不必相歔歔萬里路遠在百年近旦暮生時不自縱
意樂坐見春花委芳樹

隴頭吟

生不願為隴頭客亦不願聞隴水聲隴頭作客腸應斷
隴水聲多帶別情別情未已紅顏老北流是向龍城道
一箭烽傳瀚海雲三時馬絕交河草隴坂回看隴樹春
隴關四外戰塵昏行人莫作隴頭客從此邊心不可論

豫章行

秋風吹白楊搖搖豫章山落葉辭本根隨風不復還男
兒遠別離戚戚成頽頽跳丸有迅晷逝波無停川生短
嗟世長何況寡所歡賢聖齊窮達流坎天命然委順全

遠節去日難重攀介福自己求鬢髮誰令斑

猛虎行

朝從猛虎食暮從野雀棲野雀無定端猛虎還苦饑水
濁不見底水清石累累清濁各有以溝水流東西天風
吹海色昏昏渺無涯遊心三神山百年曾幾時

長歌行

鰕鮒細小蟲生長潢潦間燕雀自儕侶寄命于葦藩豈
知六月鵬高翅摩雲天潛鱗濯鬣游戲于深淵物生
各有分吾終慕羲軒

空城雀

鴻鵠翔寥廓鷦鷯聲啾啾翩翩嗟汝雀嗷嗷云何求回

顧黃口兒常有羅網憂烏鳶各異態爪觜每見投摧頽
太倉粟口腹身所仇物生有天命知止絕縲尤

空城雀

鴻鵠翔寥廓鷦鷯聲啾啾翩翩嗚汝雀嗷嗷云何求回

顧黃口兒常有羅網憂烏鳶各異態爪觜每見投摧頽
太倉粟口腹身所仇物生有天命知止絕糶尤

節雁行

史館僚友語近事

羅者獲雄雁雁活翎翅全置之樊籠中哀鳴欲有宣每
當秋春時塞雁來翩翩顧步忍長繫飲啄苟自存賴彼
牧豎兒飲眠兩踰年其秋其雌來聞聲於九天夜半翔
而下悲吟何闐闐以頸投籠中咽吭交相纏晨起人眠
之雁則雙死焉適予在史館有官屯民田屯夫既來告
官因為予言風檐展書坐雁暖過前軒聽者盡訝歎終
朝掩遺編思用厲堅操作此節雁篇

東海頭

東海頭古來白骨成荒丘天生海水向東注日出月沒
滄波流嗟我人民何用相讐東海頭長城起秦人築怨
海水深不見長城見海水

堠傍路

堠傍路日日征人從此去古人行盡今人行春草春花
只如故莫言今人與古人昨日車輪疊馬蹄寒風一夜
吹何處

雁門行

雁門關雁不度關上長城高插天鴻雁高飛從此去雁
飛長城間遊子關門還雁南君北向相望何由扳塞山
連縣秋雲起西度五原東遼水傳語幽并輕俠兒雄飛

雌伏休相疑

饑鳥行

飛長城間遊子隰門還雁南君北向相望何由扳塞山
連緜秋雲起西度五原東遼水傳語幽并輕俠兒雄飛
雌伏休相疑

饑鳥行

北風吹樹樹怒呼深枝饑啄雙老鳥身微顛違心羈孤
野日凍雪霜蓬枯天寒夜昏何時旦黃鵠單飛淚如綫

鳴雁行

鴻雁鳴度雁門風霜慘慄羽翻存養子俱高飛中有斷
雁陵雲翻渺然獨宿砂磧間江湖適遠伴侶非稻粱雖
多身不肥羈孤畏人行色微心志皎潔衆雁知君有矰
繳慎莫施彈射孤鳥古所悲

門有萬里客

門有萬里客落日照顏色問客適何鄉未言先歎息生

長西蜀人故里多荆棘荆棘不可居虎豹嗥相索離鄉
客四野席草蔭松柏草長茵以厚松柏上鬱錯不虞幕
府書催令還鄉陌陌不可居竟言雙淚落

白鳩篇

古之紀官或以四時以雲其在於物或以龍鳥至於
鳩蓋鳥之一耳而以名官左氏郊子曰祝鳩氏司徒
鳴鳩氏司馬鳩氏司空爽鳩氏司寇鷓鳩氏司事
鳩亦異於凡為鳥者哉余有感焉作白鳩篇亦古詩
遺意也

拂舞歌白鳧吳歌且吳舞感此清商音淚下不能語亦
有白鳩辭新聲翻舊譜白鳩之白性安馴其子雖七恩

平均食之朝上暮自下鳥有如此義且仁丹山鳳皇五
色文身將九子凌青旻豈惟九子身自將百鳥不問疎

拂舞歌白鳥吳歌且吳舞感此清商音淚下不能語亦
有白鳩辭新聲翻舊譜白鳩之白性安馴其子雖七恩
平均食之朝上暮自下鳥有如此義且仁丹山鳳皇五
色文身將九子凌青旻豈惟九子身自將百鳥不間踈
與親嗚呼鳳德殊絕倫白鳩一遇三千春

午亭文編卷二

男壯履恭較

午亭文編卷三

六



午亭文編卷三

門人候官林佶輯錄

古體詩

午亭文編卷三

門人候官林佶輯錄

古體詩

詠古四首

託志在大雅講德觀王風永言播聲律和平民所衷五
絃奮逸響等瑟難為工詩亡演別體綺靡將焉終我聖
放鄭聲偉哉刪述功爛然三千篇磨滅浮烟空

伊傳起岳野千載道寥寥子房王者佐英風振孤標報
韓計不就椎秦功已高嗚呼博浪中舉事輕鴻毛後來
劉項輩以此氣益豪匹夫定王霸片言勝蕭曹晚從赤
松遊黃石可相邀

虞帝善使民造父善使馬吾生良有涯精爽詎相假人

命如蟲蛾膏火競塗赭達人且樂天悠然以陶寫日月
從跳丸匡坐自瀟灑

孟門雖險熾洪濤尚容楫大行盤羊腸轅車可馮式若
子貴自信流俗亂珠礫聞言識駸明聽歌知窸戚哲人
領其微而况目所擊

石鼓歌

石鼓歌者韓與蘇我今捉筆捋虎鬚虬蟬撼樹何為乎
推尋鳥跡閑自娛皇頡古愁凝斯須浮雲變化萬事徂
斗宿下天羣靈趨羲娥掩苒焚劫餘陳倉之野纍纍俱
高穹如屋厚土鋪古物敢侮明神扶博士西顧空嗷吁
偉哉餘慶亦一夫鳳翔廟置煩枝梧是時十鼓一鼓殊

偽有作者其誰與傳師向氏何雅儒殷勤求訪鼓不孤
辟雍保和皆埤汙大觀靖康尾畢逋東遷北徙鳳在笈

高穹如屋厚土鋪古物敢侮明神扶博士西顧空嗟吁
偉哉餘慶亦一夫鳳翔廟置煩枝梧是時十鼓一鼓殊
偽有作者其誰與傳師向氏何雅儒殷勤求訪鼓不孤
辟雍保和皆埤汙大觀靖康尾畢逋東遷北徙鳳在笄
王宣撫宅湮榛蕪虞集矯矯真吾徒羅列國子森津途
安頓妥帖星當樞聖道無害茲無虞天作石鼓宣籀書
歐陽雖疑理不誣獻襄宇文宣所奴寶玉詎可方砮砮
嗚呼石鼓窮鏤鏤流浪豈憚馳與驅艱難盡歷形模糊
鱗甲剝落中不枯人生誰能汝鼓如時哉不遇生良虛
我歌石鼓排鬱紆韓蘇歌後補所無

昌化寺吳偉畫壁歌

峰巔折屐下半嶺霜蘿煙昏白日冥松風吹鎧山殿開
粉圖黯黹丹青冷問誰畫者留古墻江夏吳生遠擅場

神光出沒視不定動搖地軸天低昂崑崙爲鬼坼四壁
倒翻河源走霹靂陽池蒲類皆細流瀛海茫茫喪歸魄
殊形奇詭殫莫論蠻人鬼伯頭如龜僧言五百阿羅漢
細觀一一皆緇髡古今人貌誰相同吳生作筆如化工
想其用意極變態上下萬古羅心胷生也畫手一世雄
當時待詔金門中仁智殿西被召見短褐垢臉雙鬢蓬
豈知圖寫偶然事後來攬古尋遺踪君不見功德寺望
湖亭昔日宣宗遊幸處東風依舊春草青新豐翠華葬
岑寂遊人徃徃知生名人生不如一筆畫千秋萬載傳
其情

東嶽廟像元劉元塑

元字秉元薊之寶坻人官至昭文館大學士正奉大夫祕書監卿

上都塑像今誰存劉其同姓鑿與元元昔黃冠事青帝
既貴愴恍營精魂神居青霄清且尊碧雲騰湧連朝暎

其情

東嶽廟像元劉元塑

元字東元薊之寶坻人官至昭文館大學士正奉大夫祕書監卿

上都塑像今誰存劉其同姓鑾與元元昔黃冠事青帝
既貴恟怙營精魂神居青霄清且尊碧雲騰湧連朝暎
真仙上謁不可以面覲况能搏腕以手捫元也執藝高
絕倫帝命象教如通神雕梁繡戶不入眼石閣日觀皆
微塵運意豈覺滄海濶凝思暗與春天親駕言岱宗夫
如何設像已覺驚生民其西炳靈公其東司命君絳紗
玉斧蒼龍仗宰執介士俱天人元乎今也不可作高墳
何處荒麒麟又聞大都城遺廟秋原斜古像亦元製淒
迷沉風沙塞長路遠跡不到撫卷稽古空咨嗟人生一
藝足自命流傳百古稱專家亦知虛名竟何益吾生有
涯憐無涯

萬壽寺華嚴鐘歌 永樂四年姚少師廣孝所製

萬石之鐘誰所作
轟立平地鬼然高
不屋而壇豈謂是
土花緣碧松蕭梢
鐘路於地我行其下驚突兀
兩屐倦著纒周遭
風知徧寫貝葉文
五指欲捫心鬱陶
華嚴八十一卷字
星離雲布撐煙霄
初如恒河算沙數
忽如大地吹秋毫
又如天門下鈎鎖
隄防撇拔神龍跳
縮形極意謹條鏃
豈知鵬路容搏翱
玉繩勾劃有餘境
沈郎運筆光動搖
華亭沈度書濃點垂露灑銀漢
纖波倒海抽琳條
寶書諸品補隙罅
下者銑于高蒲牢
盡刻雷回雲紘跡
直豎毘城鷲嶺標
良工鏤刻心亦苦
藕絲鍼鋒憐攫搔
邇來漂轉三百載
覆以風雨棲蓬蒿
詎有石缺厭鼻鼻
窟空令金鈕

閑鼉蛟姚師組鉞遊市朝
鼎鐺有耳為爾曹
鑄此那數九州鐵
金精焜耀飛廉號
吾聞先王古有制
不過釣石

驚嶺標良工鑄夾心亦苦蕪紹鉞鋒憐攫搔邇來漂轉
三百載覆以風雨棲蓬蒿詎有石缺厭鼎屬空令金鈕
閑鼉蛟姚師組鉞遊市朝鼎鐺有耳為爾曹鑄此那數
九州鐵金精焜燿飛廉號吾聞先王古有制不過鈞石
諧簫韶師也佐命專魁杓後令天樂聲迢迢雲門大呂
神降格何必萬石為鐘豪嗚呼何必萬石為鐘豪

右軍書樂毅論真蹟歌

觀于張吏部家

刻石多有樂毅論風格獨讓快雪堂摩挲卷帙老將至
想像用意分豪芒藤陰別館見真蹟得此令我書傳香
昔者晉室遘喪亂南渡士民何倉皇兵革未偃盛文藻
風流墨妙傳兩王大令學書特從橫右軍作此嚴其防
庖丁遊刃中肯綮東野鈎百看騰驤金繩玉鎖不受縛
天馬脫轡羣鴻翔神光陸離勢欲動洛靈容與駉鸞皇

又如大海迴波瀾珊瑚碧樹枝柯長夏珊瑚周鼎歷世寶
法墨直欲與頡頏展轉六朝誰所得漂零百戰同興亡
晉陽之甲雜儒翰貞觀御府親收藏太平主家借摹寫
明珠翡翠羅縹緗如雲賓客一朝散丹青豪素空篋箱
大索十日閉朱邱老嫗衣縫潛携將投之爨下實虛語
人間那得知其詳世上小兒學解事詆誚正士嫌鋒鋷
蛟龍豈無角牙厲雷霆變化誰能量岐陽石鼓久漫滅
昭陵繭本沉芬芳我負詎有千金直過眼矜耀神揚揚
是日聚觀如堵牆擊撞觝觸頭低昂檐花正落飄不入
燕泥欲下能禁當心記指畫爭俄頃焉得常置几案傍
默囑鬼物善訶護干戈時代遙相望斷行短紙人愛惜

晉家陵土今荒涼對此涕淚翻淋浪人壽幾何徒羨女
日斜掩卷魂黯傷

燕泥欲下能禁當心記指畫爭俄頃焉得常置几案傍
默囑鬼物善訶護干戈時代遙相望斷行短紙人愛惜
晉家陵土今荒涼對此涕淚翻淋浪人壽幾何徒羨女
日斜掩卷魂黯傷

牆花

牆花籜番新葉肥苔徑漠漠蛺蝶飛鄰軒可假非我樂
故園此時音信稀我生鄙野性放散池魚籠鳥愁馬鞵
青門送客一惆悵烟絲草長柳十圍默記舊日所來道
行店歷歷雙板扉我家南谿富泉石兩山夾沅邨路微
幽處窈窕出林屋山紅澗碧含芳菲試歌韓公萍確句
安得至老不更歸

城南黑龍潭寺西樓對酒歌

春殘龍尾橫斜道羸驂退食隨年少文書叢裏過東風

五言古詩卷三
三
欲寫幽懷何處好天晴古陂南城陰水碧金沙潭
是日宿雨林景澹微波流影青于藍寺前野亭向冥寞
狂飈吹塵暗寥廓襟花紅蕊寒且禁幸不逢花帳零落
亭中裊窕西樓開遠烟空翠山光來漢陂波濤琉璃色
漢江春酒蒲桃醅直須對此銜金杯捉琴擊筑心徒哀
蒼茫萬事渺如昨幾度落日軒轅臺鳳兮栖栖不得意
東山繡斧流言忌古來賢聖亦復爾醉舞高歌吾老矣
回頭笑謝新少年有才無命古所憐

胎上湘北同遊放生池作

王生矯矯殊絕倫李生氣骨何嶙峋高秋風日稍晴美
出遊得與二子頻城南滄池鬱漭沆彷彿置我江湖濱

雲棲弟子真隱淪閉關晝坐淨六塵猛獸不搏鷲鳥伏
勅龍取水露枯鱗靈雞喔咿鈴磬寂白兔撲朔當階馴

王生矯矯殊絕倫，李生氣骨何嶮峻。高秋風日稍晴美，
出遊得與二子頻。城南滄池鬱漭沔，彷彿置我江湖濱。
雲棲弟子真隱淪，閉關晝坐淨六塵。猛獸不搏鷲鳥伏，
勅龍取水露枯鱗。靈雞喔呼鈴磬寂，白兔撲朔當階馴。
世上網罟足怖駭，爾曹此地娛秋春。可憐四海數兵革，
感事觸物含悲辛。天狗墮地走郊野，熊羆豺虎生攫人。
蒼生性命等螻蟻，刀俎徃徃屠麒麟。吾衰念此涕沾臆，
買放蟲蝦隨細民。兩生才可登要津，向我肝膽傾輪囷。
會當萬里策驥足，努力斯世謀致身。

九日宋玉叔招同諸子讌集梁家園池亭兼送繹
堂之中州訪愚山嵩嶽以秋菊有佳色為韻五
首

佳日樂清曠，登臨池上樓。蕭條鴻雁來，城闕颯已秋。四

邊木葉下亭午寒翠流頰察林樹變仰眊天雲浮何意
京陌間臺榭豁遠眸含歡媚短景步屨延阻修陟危興
屢竒永念數子遊

結軫來西園佳辰快休沐况有舟楫具林風方謾謾豁
渚委寒卉時節秀芳菊水汎忻始遊波搖駭流目靡靡
葭莢開洄洄蘋藻逐遠窮林塘幽不異在深谷鼓棹入
莽蒼興酣欲往復還擬挂輕帆去逐鳧鷖速

冉冉節序高風雨懷重九及此弄晴暉清歡亦希有南
原恣羣遊北亭饗朋酒坐密觥籌交語多藩籬剖明霞
散林薄落日延戶牖暝色蒼然來嚴城急刁斗明月懸
中林欲去更回首

回首立躊躇念此秋氣佳娛樂豈終極戚戚動中懷美
人適梁末驪駒發天街朔色起離筵霜露泣前階列宿

散材薄落日延戶牖暝色蒼然來嚴城急乃丰明月懸
中林欲去更回首

回首立躊躇念此秋氣佳娛樂豈終極戚戚動中懷美
人適梁宋驪駒發天街朔色起離筵霜露泣前階列宿
參差明參辰何由偕客子感遠遊願期金石諧

宛陵含清真論詩造精域憶昨遊嵩峰飄然辭京國君
今定相訪雲壑想行色同宿玉女窓朗吟三花側羽客
鍊金骨於此生雲翼相携掇瑤草寶訣自茲得竒蹤入
紫冥化心合官默下界瞰九州中天擘四極惜哉緇塵
人臨風空歎息

沈繹堂翰林殿廷橐筆閣門賜貂圖

憶昔先朝策士年手披射策春風前雲間才子擢上
第掩映金閨榜墨鮮羽獵長楊時扈從校書東觀歛聯

翩詔言中外須敷歷入為公輔出旬宣觚稜回首青霄
上榮戟還開嵩少邊一自鼎湖弓劍遠寤莫蒼梧生野
煙龍飛鳳起旋天柄人文際會風雲盛澤州學士領機
要風裁奕奕清操勁浙東葛公招不來益使清時重徵
聘侍從當時更幾人聲華寥落才難並白頭宮監閣門
東勅旨傳宣沈侍中曾見章華工作賦紅綾分餅
賜恩濃政事堂前昔待詔集賢學士新年少咨嗟沈君
天下竒文彩風流傳墨妙重過承明舊直廬螭頭行上
近宸居便殿召來臨玉几內庭不用輦金輿尚方筆
札鷲谿絹龍團墨花掃飛電生平所學惟正心
天子歛容知筆諫欲將無逸進箴規不數清平供奉詩

是時積雪明丹陛好景斜陽度玉墀自此乾清頻侍
直徃徃公卿伺顏色有時揮翰晚從容漏下重城歸不

札鷲窅絹龍團墨花掃飛電生平兩學惟正心
天子歛容知筆諫欲將無逸進箴規不數清平供奉詩

是時積雪明丹陛好景斜陽度玉墀自此 乾清頻侍
直徃徃公卿伺顏色有時揮翰晚後容漏下重城歸不
得溫語親承退食遲鍾王楷法鬪風姿特上漢家寬大
詔間書唐代頌歌辭賜對夾城又移日左右微聞潛太
息 九重解賜御貂裘中使催頒鏤金織丹青寫與異
時看覽圖暗憶魚水歡近代遭逢誰似此 天顏有喜
畫來難男兒致身在報國耻學時人甘肉食恩深不醜
良可惜我聞豪俊頻煩側席求曾誰能緩肝宵憂柏梁
詞賦詎偶爾宣室蒼生須借籌

送李同年之桂林

昔者子徃官京縣

李昔為大成令

寒廳夜雪來相見雪花盈盈墮

酒杯鐙前細酌成歡宴有客曾為百粵遊耳熱高歌騁

雄辯卻話嶺表山水奇足跡未到目已眇中州邢生舊令永福是日談粵中山水

沈吟別子不能寐起坐題詩廢朝飯回首離堂夜雪時

人生流景如犇電子今尋客舊遊處水石風流吾所羨

五斗折腰且莫辭四十青衫應未倦莫言天驥隨羸牛

要使昆吾淬百鍊猛獍能為襦袴歌桑麻久已銷刀劍

藤江花落雁來時薦書應奏明光殿

秋日祖氏園同肇余湘北以秋水席邊多為韻五

首

日高出南城郊野紛晚秋蒼茫微徑開蒲葦風颺颺紅

葉捎鞭絲紫花羅馬頭興來忘嬾漫我行如有求

苔徑連野橋池塘落秋水飄搖臨虛亭寒流通其裏始

至孤雲飛坐久白鷗起獨遊良已歡幽衷司二子

日高出南城郊野紛晚秋蒼茫微徑開蒲葦風颺颺紅
葉捎鞭絲紫花羅馬頭興來忘嬾漫我行如有求

苔徑連野橋池塘落秋水飄搖臨虛亭寒流通其裏始
至孤雲飛坐久白鷗起獨遊良已歡幽懷同二子

甫白渺千載美人接瑤席飛閣如扁舟寒空下遙碧樂
幽趣屢同懷古思逾積落葉滿深林惆悵來時跡

將軍東橋竹乃在韋曲邊軒窗新結構臺榭已百年林
疏出遠岫谿回凝寒煙風景長不殊昔遊思渺然

為樂雖及時日暮哀情多平生滄洲想江海今如何秋
高急戰鼓烽火鬱嵯峨獨愧此亭上臨風空獻歌

詠漢事六首

漢高續秦虐開國之遠猷作偽導其下雲夢胡為遊既
貴忘急難畏惡如敵讐婦言惟是用功勳滋愆尤嗟哉

青衣路已去不復憂道逢呂后來泣涕翻見收牝雞伏
猛士墓中鍾室謀惜無周身智辟穀從留侯

沛公破咸陽仗劍入秦宮美人充帷帳珍寶如山崇一
朝意已得遑復恤其終興亡在轉瞬虎眈眈重瞳自非
樊將軍禍亂如影從寧待鴻門會脫身刀俎中噲也起
屠狗所見真豪雄儒冠故可溺齷齪多凡庸

項王起隴畝意已無強秦矯矯名將家所敵必萬人大
戰鉅鹿下諸侯莫敢前事定從壁上鄰行趨轅門偉哉
戲西會制命杯酒間項王東向坐沛公獨騎奔如何去
咸陽宮室皆燒燔亞夫無一語韓生空殺身伊昔割鴻
溝天下約均分太公脫高俎呂后辭下陳漢王欲罷歸

子房勸進軍楚歌四面起往事真酸辛至今下相祠黯
淡荒荆榛虞兮色彫落帷帳凝流塵坐傷伏烏騅猛氣

咸陽宮室皆燒燼亞夫無一語韓生空殺身伊昔害鴻
溝天下約均分太公脫高俎呂后辭下陳漢王欲罷歸
子房勸進軍楚歌四面起往事真酸辛至今下相祠黯
淡荒荆榛虞兮色彫落帷帳凝流塵坐傷伏烏騅猛氣
慘不伸英雄遭成敗懷古一靈巾

安劉必絳勃平智足交驩王陵雖少戇大義折其端知
人誠匪易處婦良獨難娥姁牝司晨祿產虎而冠自非
朱虛侯非種除方艱辟陽遊卧内人氣棲厠間骨肉亦
何辜醜飲裂胃肝呂公竒此女與之遺禍患

漢文恭儉主止輦事最傳亦復事羽獵不敢盤遊田萬
乘登虎圈嗥歎羅滿前山禽與原獸名數方紛然顧問
上林尉十問十不言蒼黃左右眡畜夫代尉宣口對如
響應帝曰此吏賢釋之汝受詔特拜畜夫官逡巡不肯

拜謂佞奚取焉上言周張輩下言秦漢間納諫誠可貴
聽言古所難謁者論畚夫畚夫罷趙遷絳灌短賈生賈
生亦棄捐

田橫能得士高義陵千秋橫來大者王橫來小者侯慷
慨五百人不與韓彭傳富貴苟不樂沈歿遂所求至今
滄海上天風激清流

黃鶴樓歌送魏使君

我初旅食京華遊結髮願識韓荆州掖梧蕭蕭苑花寂
憶昨含香西殿頭是時武英敷奏事九重動色親
嗟異驄馬朝回白玉鞍銅龍夜直青綾被使君幾載為清
郎我曹文采爭輝光宣武水樓烟柳碧城南古臺野菊

黃聯翩不悞尚書期

龔宗伯
芝蘇

婉孌能傾翰墨場即今會合

亦何有汪王程董此離久

茗文西樵阮

別夢初驚朔塞鳴離

異驄馬朝回白王鞍鉅龍夜直青綾被使君幾載為清
郎我曹文采爭輝光宣武水樓烟柳碧城南古臺野菊

黃聯翩不悞尚書期

龔宗伯
芝蘇

婉孌能傾翰墨場即今會合

亦何有汪王程董化離久

茗文西樵阮
亭湟榛玉虬

別夢初驚朔塞鴻離

筵又醉都亭酒青霄使者下南雲翼軫星文拱北斗使

君家世清忠臣少武流風應絕塵要與丹青爭氣象足

令琬琰重嶙峋江表人才席上珍驂騮造父遇有神送

君車騎翩然行仰視白日霜天清秋色已老漢陽樹春

風空憶武昌城我聞崔顥詩中語黃鶴長江萬里情白

雲縹緲楚天外黃鶴飛去樓空在使君登樓黃鶴來煙

波渺渺心悠哉

書上官松石所藏程鵠畫梅即送之還河東

我觀程生所畫梅宛在萬里厓壑間蹇驢風雪曉陵競

便欲跨之尋寒山樓角嗚嗚笛聲起燈前花落清霜裏
曲中畫圖相向開吳綃一幅天如水北風曠野涼蕭騷
平林低亞生輕濤屈鐵溜雨蟠積石瓊英拂地連蘅臯
上官中丞好奇賞對此亦足生清豪掉頭携畫不肯住
野宿谿行任芒屨藐姑神人冰玉肌散作寒華亦無數
卻憶少年行樂時綺窓狼藉羅浮姿山中雪深疏影亂
紅橋界出橫斜枝橋下沽酒橋上醉耳熱狂吟百不思
舊遊已散空雲樹酒醒鐘微隔烟霧回憶三更挂月村
夢魂十載還家路殘香冷艷真愁予隴頭驛使誰寄書
君歸試過草堂問梅花遶屋今何如

憶樊川梅花用東坡松風亭梅花韻

半林喬木樊川邨數株梅花牽夢魂媼娥靡曼不挂眼
天桃野杏為狂昏一塵未安揚子宅五畝欲老香山園

君歸試過草堂問梅花遶屋今何如

憶樊川梅花用東坡松風亭梅花韻

半林喬木樊川邨數株梅花牽夢魂
媼娥靡曼不挂眼夭桃野杏為狂昏
一塵未安揚子宅五畝欲老香山園
玉妃鬢髮露身手暗香冷豔來相溫
有時先生春睡美綺窗喚起驚朝暎
經寒故嘗卻羅幔避風勤與關柴門
翻笑孤山林處士擁衾對花花無言
只今人去花寂寞誰憐落月閒清尊

送富雲麓少宗伯還閩中

瑤華易衰歇相識紅顏稀往者公卿人
至老不更歸我病卧送子心與閒雲飛
秋月照離席挂帆揚澄輝滄溟波萬里
客夢相因依築堂面海水島嶼開巖扉
敷榮日南花荔子生已肥一散三百顆
孰與斗粟饑子亦同流

萍浩蕩江湖遠茫然惜遠別白首思音徽

赴北鎮發京作三首

塞兩作雪花春風落庭樹時節尚苦寒遠行生百慮蒼涼城東亭門外舊京路驅馬覽大荒詎俛戒徒御離鴻何翩翩黃鵠已軒翥平生曠逸懷海山得奇遇

銜命出 皇邑含情向朔塞春色蒼然來雄關渺安在征馬蕭蕭鳴東風卷旌旆鄉國別已久况復窮荒外前臨碣石古頰視滄海大朱輪日交馳山靈邀我輩豈無江湖樂茲遊亦已最

舊披遼海圖天地疑將窮遠遊足自豪萬里浮空濛日月出海水乃在扶桑東男兒志四方感迫以自終翻慕遊俠兒鞍馬生雄風行行盡絕漠仗劍陵長虹

曉發通州

舊披遼海圖天地疑將窮遠遊且自豪萬里浮空濛日
月出海水乃在扶桑東男兒志四方感迫以自終翻慕
遊俠兒鞍馬生雄風行行盡絕漠仗劍陵長虹

曉發通州

陵晨命夙駕旌旆風悠悠連蜷沙浦隄浩渺開滄洲回
首見樓堞孤城如浮舟荒陂下遠雁細浪迴輕鷗烟中
出颿影鬣鬣不可求誰能捨短策萬里乘春流

射虎行

北平太守飛將軍城南射獵天風昏射虎中石沒羽箭
至今石戴霜花痕蕭關昔日良家子結髮從軍動邊鄙
寂寞南山憶夜行霸陵亭尉醉呵止一朝飛蓋來北平
三邊夜無刁斗聲將軍善射出天性射敵欲盡兼射生
虎也騰傷上獲臂將軍意氣輕搏刺怒形威振萬物伏

精爽足可貫厚地我來訪古盧龍傷廣不逢時吾黯傷
吹簫屠狗有異表時來起作諸侯王

食榆關驛有老卒語世父侍御公令樂亭時事

下馬食驛亭杯酒乾欲去憫此人凋殘停驂詰其故驛
卒老記事灑泣跽而語此地古要衝車馬繁徒御小縣
丁徭稀取足外協助樂亭籍民夫十人九饑仆當時陳
縣尹吾民賴調護走謁大府官抵掌借前箸庶人者在
官定祿出工賦枵腹事公家公事亦繆悞是時大府賢
立為尹拜疏僱直餘貲糧行役乃犇赴尹去民寒饑尹
來有衣袴驛東古神祠尹至常此駐驛南荒沙磧是向
樂亭路邇來四十年吾民思乳哺我聞驛卒言雙淚零

如雨尹吾先伯父宰木已拱墓縣路邈難踰古祠在何
處馳馬往視之祠門日斜暮故額宛猶存戊寅字細署

來有衣袴驛東古神祠尹至常此駐驛南荒沙磧是向
樂亭路邇來四十年吾民思乳哺我聞驛卒言雙淚零
如雨尹吾先伯父宰木已拱墓縣路邈難踰古祠在何
處馳馬往視之祠門日斜暮故額宛猶存戊寅字細署
戊寅吾以降老大凜百慮酌酒再拜行春風吹獨樹

澂海樓觀海

燕山蜿蜿如游龍東將入海陵虛空巖壑洶湧變形狀
騰波赴勢隨飛虹長城枕山尾掉海海樓倒挂長城外
地坼天分界混茫山迴城轉橫煙靄樓腳插入大海頭
巨靈觸搏海怒流呼吸萬里走雷電斬鑿中涌堆山止
乍到魂慮忽變惛意象懍慌難尋求五岳卷石渺一粟
九州小嶼浮輕漚滄溟浩蕩乾坤窄弱水流沙在咫尺
扶桑弄影杳何處空青一綫搖金碧卻憶洪濤汎濫時

蒼茫神禹經營迹百川既導萬穴歸天吳海若安窟宅
四海以內真彈丸秦還漢往如翻瀾海月萬古堆玉盤
願得一食青琅玕乘風破浪生羽翰我來手拍洪崖肩
仰天大笑忘愁歎

出塞行

平沙漠漠虎跡高春風蕭蕭馬鳴號雕弓韋服箭在腰
南登碣石東度遼江湖細瑣不足數滄溟萬里觀雲濤
丈夫得時展壯畧坐擁爵印麾旌旄不然五嶽及四海
笑看珪珎如秋毫安能白首事文翰苦吟寂莫隨蓬蒿
新購龍鱗雙寶刀雪華照地寒生毛佩之金鑲紫錦絛
酬恩未忍便歸去且向沙塲看射鵰

首山

塞外山益奇圖經無其名土荒昧勝蹟問之傷我情首

新購龍鱗雙寶刀雪華照地寒生毛佩之金鑲紫錦絛
酬恩未忍便歸去且向沙場看射鵰

首山

塞外山益奇圖經無其名土荒昧勝蹟問之傷我情首
山名頗佳三峰何崢嶸上有古時戍下有今時城南山
如龍卧北山如象行中裂忽如鑿漠漠春水生厓寺面
怪石角立森從橫林岨繡苔蘚丹碧含晶英山川既盤
鬱風氣亦高闊太息炊烟稀沃野無人耕

宿十三山下

暝憇投孤烟野宿臨大荒夜窓過虎豺青狐歎空梁摩
挲玉函字凜凜置我傷精禱寡宵寐明發嚴晨裝禹跡
昧疏鑿虞書分紀疆齋啟入神境王事肅有常豈敢憚
險遠 皇命被寵光萬靈應來格鎮此枌榆鄉

醫巫閭山登覽

我尋桃花洞花源寒蕊遲縹緲呂公巖遺蹟不可追古
松千年物下有無字碑黯慘積鐵色石苔銅綠滋雕斲
慨秦漢混濛思黃羲靈風生兩腋扶轂凌歊危羽節儼
前導雲旗紛後隨神人展歆盼賜我金莖芝服之身力
健延年以樂嬉

塗河行

拍天風滾邊沙來亂石却走如崩雷馬蹄摧裂車輪折
塗河三日鳥飛絕野陰晝昏對面疑猛虎在前何由知
黃熊赤豹紛相追勸君蚤宿荒茅茨

入盤山至中盤寺望李靖菴絕頂諸勝跡顧念歸

路不得徧遊為詩寫懷

我聞盤山七十二佛寺寺落花流水中古木分徑延

黃熊赤豹紛相追勸君蚤宿荒茅茨

入盤山至中盤寺望李靖菴絕頂諸勝跡顧念歸

路不得徧遊為詩寫懷

我聞盤山七十二佛寺寺寺落花流水中古木分徑延
客入谷口徃徃聞微鐘稍喜怪石堆磊砢位置天巧煩
神工飛巖百尺下礧水谿流時帶殘香紅山深日斜意
惆悵車顛馬仆何怱怱中盤峻嶒倦登陟山靈竒詭焉
能窮衛公舞劍臺最古磨厓勒石真豪雄天門中開飛
鳥過巉巖峭壁雙青銅絕頂塔輪照西日影落塞外隨
長虹我行荒徼困鞍馬親按唐壘尋遺踪春風血染邊
花赤夜雨苔生戰骨空誓臺草木莽岑寂將軍片石青
山崇此來探勝樂幽闐翻增惋歎愁心胷孤峰飄忽不
可到還顧所歷煙濛濛歸途草草罷遊覽他時蠟屐扶

短筇

高陽公生孫作歌

名家父子至宰輔漢有韋平宋韓呂高陽吾師真天人
風雲接跡夔龍武門地朝廷舊羽儀沙隄夙昔經行處
西平有子生更奇兩人並是麒麟兒長君娟靜玉雪質
次君矯厲鸞鶴姿仙李盤根久碩大謝家玉樹恒華滋
前年次君引鳳雛我公退朝清譙娛錦筵繡茵紅氍毹
彈絲擊鼓吹笙竽賓客合沓臨文衢後堂高會羅生徒
今年長君懷明珠瑤環瑜珥嗟不如我公不樂胡為乎
側聞 聖主勞宵旰邊機日奏明光殿廟謀勝算倚元
公軍檄 詔書駐馬鞭嗚呼為臣既不易我公精忠日

月貫所以當筵再三歎太平指日定我行我公名與凌
烟長一身常繫安危望領首兒孫笏滿牀君不見裴晉

傾聞 聖主勞實 財邊榜 日奏 明光 展廟 誌勝 算億 元
公軍檄 詔書 駐馬 辦嗚呼 為臣 既不易 我公 精忠 日
月貫 所以 當筵 再三 歎太 平指 日定 我行 我公 名與 凌
烟長 一身 常繫 安危 望領 首兒 孫笏 滿牀 君不 見裴 晉
公郭 汾陽

八月十四夜月

五更 雨作 漏點 歇涼 風吹 衣坐 東闕 正恐 秋陰 欺出 日
翻愁 雨色 礙行 月騎 馬掖 門雨 細微 黃昏 茅堂 燈火 稀
登樓 高雲 亦解 駭暉 暉月 上古 城角 天寒 野曠 沙場 多
嗚呼 奈此 明月 何

中秋夜王北山給諫見過有懷吳玉隨孫惟一兩
編修

昔者 與孫 吳翫 月城 西亭 蕭蕭 天風 來萬 里搖 青冥 寒

空盪園魄驚鳥羣悲鳴明鏡曜曲房
涿酒淒以清短歌
易慷慨良時傷我情奄忽浮雲馳躑躅
東南征光景不
可駐犇落如流星二子渺江湖芳顏坐凋零
四海何寂
寥獨處思平生惟我與君子綢繆結至精
遙夜命儔匹
羽觴羅中庭清淺河漢流金波正泠泠
濡翰發妙製朱
絃激新聲今日不為樂別後徒屏營

書湘北秋水漁父圖

吾聞瀟湘洞庭烟塵中滄洲不合容
漁翁今之畫圖尚
復爾孤舟渺渺寒林東遠峰青冥水雲白
秋樹莽蒼楓
葉赤草木曾無戰伐愁谿山欲老菰蘆
客李生雅好江
海竒張颿鼓楫遊何時且當結束事鞍馬
與子射獵南

山陰

吳大理宅觀菊行

葉亦草才曾無單什愁裂山欲老菰蘆密李生雅好江
海竒張颿鼓楫遊何時且當結束事鞍馬與子射獵南

山陰

吳大理宅觀菊行

自為燕山十載客軒窓寂莫無黃花今年何處花最盛
走馬來尋大理家九日傳聞思一見人事經秋阻遊宴
十月向盡開未殘天寒野陰颿霜霰小闌曲幕雲錦張
屏風隔花花低昂想君位次有深意宛然置我東籬傍
坐中豪健富與王亦有兩吳成清狂逡巡相視不欲去
白日漸沒冬夜長冬夜沈沈鐘漏度鐙火交橫花影互
不知雨雪空中多銅槃絳蠟銷煙霧萬點繁英豈等閒
百罰深杯莫論數君不見去年花貴京城裏朱門進花
如流水今年花賤軍興時公侯邊頭征馬嘶世間萬事

牛意文統卷三
六
反覆俱如斯與君傾倒且盡花前卮

孫籀菴贈篆章歌

射州學士才力健上慕稷契羞管晏天生文采兼竒懷
在於敬也徒然羨方寸之石珍南奎篆刻變化窮古今
恍然置我秦漢上熟視歎絕誰能禁想君拭石初經營
意匠鑿石石怒生弩張劍拔相盤感捉刀如筆刀從橫
自言工巧不貴物藝技那與流輩爭憶文學士十載餘
太學釋褐同時趨門前石鼓纍纍俱字勢蝌蚪分鎚銖
我初開口恨詰曲學士發聲如貫珠寶符玉璽今焉如
絲綸手握承明廬太史大篆訝顛顛中郎石經紛魯魚
天子今年開石渠校書同異羅諸儒今君請急何為乎
吁嗟汝歸形影孤古人戀闕憂江湖

絲絲手捥承明廬太史大篆說鼎彝中郎石經絲魯魚
天子今年開石渠校書同異羅諸儒今君請急何為乎
吁嗟汝歸形影孤古人戀闕憂江湖

題容齋所藏畫松

曉蹋掖垣松色濃宮樹綠陰宮日紅歸來卧想西窗中
西窓恰對西山峰雕闌玉碼紛璉瓏碧雲寺前雙老松
別久霜風應更長當時蠟屐曾同往幾人雲散與星飛
只今惟有松濤響山徑冥冥松有聲苑松山松無限情
急呼濁醪埽醉墨為作李侯松樹行

立秋日子顧繹堂貽上湘北幼華過集

遊子感時節含意難獨立秋色蕭條來西日忽已入風
落庭草低雨過檐禽集高月夕尚圓明星露猶溼兵出
吟笳稀戍遠擣衣急良時今欲暮無為苦憂悒請看頭

上絲日夜不可戢危塗行潦深白駒願維繫

九日同貽上湘北集城南水閣

高閣峨峨凌寒空眼底城闕秋光濃
襍木葉丹晚菊瘦杯影遙度長天鴻
殘陽未斂浦煙積渚波細浪涵青銅
明霞吹落山勢動蒼茫檐際聞悲風
頰身願接兩羽翰探竒何必扶短筇

送張篋山歸廬陵

秋陰匿景光淒淒增暮寒鴻雁應候起
黃鵠臨風翻高飛覽九州誰能鍛羽翰
念我同袍士矯矯青雲端北風吹河梁
車徒不可攀高林集天霜大海激回瀾
君子抱亮節志士多苦顏君恩當識察
臣義擇所安肉食等

藜藿榮名配芳蘭勗我千歲業離別何足歎

益詠堂歌 為宋玉叔先人作

吹河梁車徒不可攀
高材集天霜大海滌
巨瀾君子抱亮節
志士多苦顏君恩
當識察臣義擇所
安肉食等

藜藿榮名配芳蘭
勗哉千歲業離別
何足歎

益詠堂歌

為宋玉叔先人作

頓止之野古臺側
宋公几筵儼在茲
杲日對峙霽雲廟
朱暉映射青霞祠
宋公昔時治茲土
摘擢姦良桑穀滋
召去民若失慈母
待公不來交涕洟
我民立祀謹伏臘
桂棟蘭橑施華榱
公來翠輅驂鸞螭
流雲前戒翼兩旗
朱衣髣髴靈風吹
高冠長佩紛陸離
耆耄偃僂薦酒犧
老巫起舞韶舞嬉
進跪再拜前致詞
我民報事無盡期
君不見南山松柏
斧聲悲不知何王
陵蔓草縈纍纍
野棠開落無寒食
麥飯淒涼記歲時
又不見朱邑桐鄉
冢羊公墮淚碑
千秋終古英靈在
留與遺民作去思

送宋荔裳觀察赴成都因寄艾石方伯

當余束髮負奇氣草莽夢想英雄人黃塵走馬京華道
逆旅蒼茫會有神片語交懽如故久更兩王生夙所友

謂子底
貽上

出櫟春風日往還韋曲殘花灞陵柳錦貂數付黃

公壚劍歌蕭條白日徂龍鸞之文奮奇響傳觀賓客爭

嗟吁才名舊壑金華省畫戟清香輟朝請忽漫扁舟掉

五湖輕鷗浩蕩烟波冷盛世求賢重外臺玉驄金絡日

邊來隋堤楊柳蜀岡道驛樓官閣為君開吳洲渺渺楚

鄉去斜日西川在何處送遠秋風萬里橋懷人暮雨三

巴路津亭解纜彩雲生岼草汀花紛古情江帆笳鼓黃

陵廟野戍旌旗白帝城君家吏事兼文藻伯氏并州吾

舊好與君前後間清塵相逢為道相思老阿戎七歲筆

陳強草書大字森琳琅更煩傳語寄一幅我欲攜之頁

巴路津亭解纜彩雲生岫草汀花紅古情江帆笈壺書
陵廟野戍旌旗白帝城君家吏事兼文藻伯氏并州吾

舊好與君前後間清塵相逢為道相思老阿戎七歲筆

陳強草書大字森琳琅更煩傳語寄一幅我欲攜之貢

玉堂

艾石幼子七歲能草書

贈賈中丞

尚書竒璋姿騰蹕萬夫上徒步霄漢間談笑躡卿相風
雲入高懷看宇展清曠自余韶穉年轟雷激犇放聞聲
慕執鞭拘牽屢惆悵當公撫豫還余獲拜天仗相識交
戟下退朝覺神王 聖皇念才臣秦關迫亭障 詔曰
汝往哉厥績今孰讓石經魯壁餘散缺亂織續七篇爛
熳出炳如日星亮是時邊陲靜舉事愜人望棧道細雲
連行旅色沮喪下臨不測江中有魚腹葬火攻出上策

慘澹勞意匠此時又用兵通行得無恙餘威動絕域猛
氣快所向今之新將軍公之舊門將廉頗尚善飭審琦
加酒量城南獨樂園紅亭枕清漾彊健賜林泉念時增
惻愴同之喬山鄉風義不可忘公言此宅舍身外即冗
長乃知英雄人出處有殊狀襍記公生平挂一恐失當
他日尊酒間從容或細訪

吳耕方翰林自其先世三為國學官詩

世祖臨御日邊隅宴無事向用文學臣韶達少拘忌曰
惟嚴制科始進絕流弊南北上賢書殿廷詔歷試曉風
含元側儒衣飄翩侍輦路細草菲抽豪發遙思漏鼓隔
花外宮鶯轉蒼翠閣門下題目 重瞳校文藝翰林冠

南彥三試名不二雖匪一戰霸十上徒顛賴至今春雨
詩雅縟稱經義 帝歎此奇材準以貢士例對策銅龍

念元傾傳衣無席作登品然立
重瞳校文藝翰林冠
花外宮鶯轉蒼翠閣門下題目

南彥三試名不二雖匪一戰霸十上徒顛顛至今春雨
詩雅縟稱經義帝歎此奇材準以貢士例對策銅龍
前帝喜在高第竟至越春官此人上所置回首蒼
梧雲往事橫涕泗穰穰時會殊冉冉日月逝左遷學署
丞經年獨留滯朗吟百寮底脫略公卿勢屈賈才見踈
臯稷時所致吁嗟老鄭虔三絕今猶記竭來惠長謠風
流鬱清製上言陳主恩下言引家世君之高王父亦
仕成均地是時貴生徒人文實振厲肅肅曹子行落落
青衿意磨丹漬墨間關國家大計名臣三數公皆先生
高弟逮君之王父先後清塵繼緬懷莊烈時臨雍步階
祀公班立館下望見容狀異顧問此何官厥官何姓字

引坐黃幄右傾耳聆論議琅琅魯頌音大吐儒生氣錦
綺出上方小臣前拜賜故知人重官初不以祿位君今
繩祖武官使聲華替廼者

聖天子羅賢充中祕東馬嚴枚流登用各以次嘗欲開
薦口揣分輒遜避中原方治兵豪英手我轡幕府資參
謀朝廷望開濟君其務韜晦寶玉豈終棄名譽起賤
貧君臣視遭際古來賢將相靜養俟所至

送崔定齋還百泉

讀書不求聲跡高棄如涕唾輕鴻毛譬之飲酒不盡醉
此中為樂方陶陶十年閉戶閱墳典千秋懷古相遊翱
榻來登車意慷慨擊轡奮衷干雲霄一髮凜凜引釣石

百川浩浩驚狂濤世人避戒但指口坐令志士空疲勞
我戀微官尚爾耳跌宕文史惟嬉遨少壯幾時堪把翫

此中為樂方陸陸十年閉戶墜地與千秋懷古相迷
朝
竭來登車意慷慨擊轡奮衷干雲霄一髮凜凜引釣石
百川浩浩驚狂濤世人避戒但指口坐令志士空疲勞
我戀微官尚爾耳跌宕文史惟嬉遨少壯幾時堪把翫
意思蕭颯枯蓬蒿晚聞至道頭欲白嬰觸塵網非賢豪
君歸待我蘇門上携家欲往從招要買田築室可終老
安能頰仰隨桔槔

贈孝感相公

十有四載春惟三月日吉枚卜擇近臣學士登密勿搢
紳賀於朝處士慶於室僉曰

帝知人吾等夙願畢公無得志容庭館轉蕭瑟公誠王
者佐生平學稷契致君慕堯舜自此見施設銅扉半夜
開沙隄帶月出暮讀書百篇朝入語移日勞瘁咫尺地

欲使萬國活時方事南征戎馬久未歇黎元尚瘡痍原
野肯騷屑晴風卷軍旗禾稼委未折况我仁義師忍此
田間物公為民請命聞者涕淚落數日政事堂絲綸慰
饑渴中朝相司馬姓字及走卒身當畫凌烟名其懸日
月昔時同學人雲霄歎蹇劣

午亭文編卷三

男壯履恭較



51688

類別

編號

冊數

售價

乙

16
120082



Vertical text on the right edge of the page, likely bleed-through from the reverse side.

